





子 131.34
8549
123







說文解字第八

義證第二十四

曲阜桂馥學



人

天地之性最貴者也此籀文象臂脛之形凡人之屬

皆從人

如鄰切

匕從倒人則人當作匕

天地之性最貴者也者孝經聖治章天地之性人為貴注云貴其異於萬物也釋名人仁也仁生物也故易曰立人之道曰仁與義易大人者與天地合其德與日月合其明與四時合其序與鬼神合其吉凶書秦誓惟天地萬物父母惟人萬物之靈傳云天地所生惟人為貴成十三年左傳民受天地之中以生所謂命也中庸天命之謂性大戴禮曾子天圓篇毛蟲毛而後生羽蟲羽而後生毛羽之蟲陽氣之所生也介蟲介而後生鱗蟲鱗而後生介鱗之蟲陰氣之所生也唯人為倮匈而後生也陰陽之精也盧辯注人受陰陽純粹之精有生之貴也禮運人者天地之心

說文解字義證

卷之二十四

一

連筠蓀叢書

五行之端也。倉味別聲被色而生者也。又云故人者其天地之德陰陽之交鬼神會五行之秀氣也。管子人水也。男女精合而水流形二月而咀咀者五味是五藏也。酸生脾。鹹生肺。辛生腎。苦生肝。甘生心。藏已具而後生五肉。脾生髓。肝生骨。腎生筋。肝生革。心生肉。肉已具然後生九竅。脾為鼻。肝為目。腎為耳。肺為口。心為下竅。五月而成十月。而生文子精氣為人人受天地變化而生一月而膏二月。而脈三月而肝四月而胎五月而筋六月成骨七月成形。八月而動九月而躁十月而形骸乃成。五藏乃形。白虎通人所以十月者何人天之子者經天地之數五故十月。而備乃成人也。列子楊朱篇人肖天地之類。懷五常之性。有生之最靈者也。天瑞篇榮啟期曰天地之類。懷五物。惟人為貴。而吾得為人是一樂也。鬻子天地闢而萬物生。萬物生而人為政焉。子華子一人之身為骨凡三百有六十。精液之所朝夕也。氣息之所吐吸也。心意慮之所識也。手足之所運動而指股之所信屈也。皆與天地之大數通體而為一。故曰天地之閒人為貴。公孫尼曰人有三百六十節。當天之數。形體有骨肉當地之厚也。有九竅。脈理當川谷也。血氣者當風雨也。春秋演孔圖正氣為帝。閻氣為臣。秀氣為人。孝經援神契人頭圓象天足方法地。五藏象五行四。

肢法四時九竅法九分目法日月肝仁肺義腎智心禮膽。斷脾信腸胱洩難髮法星辰節法日歲腸法鈴注云鈴鉤也。主鍵閉淮南地形訓天一地二人三三三而九九八。十一一主日日數十日主人人故十月而生天文訓蛟行。喙息莫貴於人。孔竅肌體皆通於天天有九重人亦有九。竅天有四時以制十二月人亦有四肢以使十二節。天有十二月以制三百六十日人亦有十二肢以使三百六十。節故舉事而不順天者逆其生者也。精神訓煩氣為蟲精。氣為人是故精神天之有也。而骨骸者地之有也。春秋繁。露天地陰陽木火土金水九與人而十者天之數畢也。故。數者至十而止。書者以十為終。皆取之此聖人何其貴者。起於天至於人而畢畢之外謂之物物者投所貴之端而。不柱其中以此見人之超然萬物之上而最為天下貴也。又云唯人獨偶天地人有三百六十節。偶天之數也。形體。骨肉偶地之厚也。上有目。目聰明日月之象也。體有空竅。理脈川谷之象也。心有哀樂喜怒神氣之類也。故小節三。百六十六副。日數也大節十二分。副月數也。內有五藏副。五行數也。外有四肢副。四時數也。乍視乍瞑。晝夜也。乍。柔乍剛。副冬夏也。乍哀乍樂。副陰陽也。太元天地之所貴。曰生物之所尊。曰人。漢書刑法志夫人肖天地之類。懷五。

常之性聰明精粹有生之最靈者也爪牙不足供嗜欲趨走不足避利害無毛羽以禦寒暑必將役物以爲養任智而不恃力此其所以爲貴也鹽鐵論傳曰凡生之物莫貴於人人主之所貴莫重於人故天之生萬物以奉人也人主愛人以順天也論衡奇怪篇天地之性惟人爲貴別通篇保蟲三百人爲之長天地之性人爲貴其識知也潛夫論讚學篇天地之所貴者人也風俗通萬類之中惟人爲貴抱樸子黃白篇人之爲物貴性最靈晉董京詩萬物皆賤惟人爲貴宋書歷志夫天地之所貴者生也萬物之所尊者人也盧思道勞生論生者天地之大德人者有生之最靈所以作配兩儀稱貴羣品此籀文象臂脛之形者別有奇字片爲古文

童 未冠也從人童聲 徒紅切

未冠也者玉篇僮僮幼迷荒者廣雅僮稚也顏注急就篇僮謂僕使之未冠笄者也哀十一年左傳公爲與其嬖僮汪錡乘魯語使僮子備官而未之間耶韋云僮僮蒙不達也通作童釋名十五曰童牛羊之無角者曰童山無草木曰童言未巾冠似之也易蒙卦匪我求童蒙釋文云字書作僮鄭云未冠之稱書呂荆幼子童孫喪服記童子唯當

室總注云童子未冠之稱也論語闕黨童子將命

保 養也從人從采省采古文示 博哀切

古文作保見楚邛仲南和鐘

養也者大戴禮保傅篇保保其身體文王世子立太傅少傅以養之注云養教也又云入則有保出則有師保也者慎其身以輔翼之而歸道者也注云慎其身者謹安護之漢書宣帝紀阿保之功注保養也漢官儀太保保養也北史魏本紀保者以帝體重倍於常見從采省者徐鍇本一作采省聲左傳正義引同采古文示者徐鍇本無此文當云古文孚本書采古文孚六書故亦引作古文孚又案字鑑云采音孚喪字云采古文孚字

古文保

本書采從示聲

古文保不省

說文解字義登

卷二十四

三

連筠

春秋莊六年左氏經齊人來歸衛俘杜云公羊穀梁經傳皆言衛寶此傳亦言寶惟此經言俘疑經誤正義云案說文係從人采省聲古文係不省然則古字通用寶或係字與俘相似故誤作俘耳

仁 親也從人從二如鄰切

親也者仁親聲相近釋名仁忍也好生惡殺善含忍也一切經音義八周禮云六德一曰仁鄭玄曰愛人及物曰仁上下相親曰仁周語慈惠保民親也荀子不苟篇交親而

心 古文仁從千心

尸 古文仁或從尸

止 舉踵也從人止聲 去智切

舉踵也者李善注求自試表引同韻會引徐鍇本作舉踵望也廣韻企望也通俗文舉跟曰企也玉篇引詩如企斯翼釋名企啟開也目延竦之時諸機樞皆開張也老子企者不立王弼注物向進則失安故曰企者不立本書跂獸足企也釋身鳧雁醜其足蹠其踵企通作跂史記高祖本紀日夜跋而望歸正義說文云跋舉踵也司馬彪云跋望也馥案漢書作企顏注企謂舉足而竦身山海經跋踵國其人行脚跟不著地詩衛風跋予望之傳云跋足則可以望見之檀弓不至焉者跋而及之止 止 聲者一切經音義十二企字從人從止

企 古文企從足

廣雅作企云立也

𠂔 伸臂一尋八尺從人刃聲 而震切

周禮遂人千夫有滄廣三尋深二仞考工記同閼廣二尋深二仞謂之滄 祭義築宮仞有三尺 昭三十二年左傳仞溝洫注云 度深曰仞

說文解字義登 卷二十四

連筠 叢書

伸臂一尋八尺者程君敦曰說文筵字云度堂以筵筵一丈以此例之則仞字當云伸臂一尋尋八尺也禮部韻畧八尺字本書尋下云度人之兩臂為尋八尺也禮部韻畧八尺曰仞一切經音義十一八尺曰仞書旅葵為山九仞傳云八尺曰仞孫子軍形篇勝者之戰若決積水於千仞之谿者形也注云八尺曰仞山海經大華之山其高五千仞注云仞八尺也漢書賈誼傳鳳皇翔於千仞顏注八尺曰仞六書故古以周尺八尺為仞中人之身長八尺兩臂尋之亦八尺兩足步之亦八尺度高深以仞度長短以尋度地以步馥案說仞者多異有言四尺者史記穰侯列傳守梁七仞之城築解引小爾雅四尺謂之仞倍仞謂之尋有言五尺六寸者漢書賈山傳為河房之殿殿高數十仞應劭曰五尺六寸曰仞有言七尺者徐鍇韻譜仞七尺廣韻七尺曰仞鄉射記杠長三仞以鴻脰韜上二尋注云七尺曰仞八尺曰尋論語夫子之牆數仞包氏曰七尺曰仞也莊子庚桑楚篇步仞之邱陵釋文七尺曰仞呂氏春秋適威篇若決積水於千仞之谿注云七尺曰仞文選招魂長人千仞五臣云七尺曰仞續漢輿服志天子五路建太常十有二旂九仞曳地注引鄭康成曰七尺曰仞天子之旗六丈三尺顧炎武曰說文仞伸臂一尋八尺家語孔子所謂

舒肘知尋書為山九仞孔傳八尺曰仞正義曰考工記匠人有畎遂溝洫皆廣深等而澮云廣二尋深二仞則澮亦廣深等仞與尋同故知八尺曰仞王肅聖證論及注家語皆云八尺曰仞與孔義同鄭元云七尺曰仞與孔義異論語夫子之牆數仞注包云七尺孟子掘井九仞注八尺堂高數仞注亦云八尺當以八尺為是若小爾雅云四尺漢書應劭注云五尺六寸則竝非矣通作仞孟子掘井九仞

仕學也從人從士

切

學也者本書宦仕也急就篇宦學諷詩孝經論顏注宦仕也言欲仕學者必當先諷讀詩及孝經論語也書周官學古入官議事以制政乃不迷又云不學牆面蒞事惟煩論語學而優則仕仕而優則學又云有民人焉有社稷焉何必讀書然後為學孔注言治人事神於是而習亦學也宣二年左傳宦三年矣服注宦官學士也襄三十一年傳子皮欲使尹何為邑子產曰少未知可否子皮曰愿吾愛之不吾叛也使夫往而學焉夫亦愈知治矣子產曰僑聞學而後入政未聞以政學者也曲禮宦學事師非禮不親注云仕與學皆有師以明道也

交也者廣雅同本書傷交傷詩天作岐有夷之行傳云夷

易也箋云有佼易之道交交桑扈箋云交交猶佼佼家語入官篇量之無佼民之辭注云佼猶周也

具也從人與聲士勉切

具也者廣雅同通作撰論語異乎三子者之撰孔注撰具也釋文撰鄭作撰讀曰詮詮之言善也馥案本書詮具也僖元年左傳具邠器用而遷之師無私焉注云皆撰具還之無所私取楚詞天問撰體協脅洪注撰具也鬻子篇名撰吏五帝三王傳政乙逢行珪注云撰具也文選藉田賦司農撰播殖之器字又作撰楚詞大招聽歌撰只王注撰具也通作選論語大夫俱漢書人表作選

冠飾兒者釋言侏戴也郭引詩戴弁侏侏字或作頰廣蒼頰戴也詩曰弁服侏侏者周頌絲衣文彼作載弁侏侏

夫俱漢書人表作選

傳云侏侏恭順貌箋云載猶戴也弁爵弁也爵弁而祭於王士服也釋文侏說文作綵馥案釋文為後人所亂疑陸本詩作綵當云綵說文作侏釋訓侏侏服也郭云謂戴弁服邵君晉通曰戴弁在首而謂之服者士冠禮祝辭曰始加元服曰乃申爾服曰咸加爾服鄭注謂緇布冠皮弁爵弁也是弁得稱為服也

大帶佩也從人從巾佩必有巾巾謂之飾

董巴輿服志佩以章德釋名佩倍也言其非一物有倍貳

者佩芳德光明者佩玉能解結者佩臚能決疑者佩玦

大帶佩也者御覽引作大冠帶佩也廣韻佩玉之帶也禮

日凡帶必有佩玉馥案詩雜佩以贈之傳云珩璜琕瑀衡

山之類玉藻古之君子必佩玉又云天子佩璠白玉公侯佩

凡從巾佩必有巾巾謂之飾者初學記引云佩從人凡聲也佩必有巾從巾本書巾佩巾也帶下云佩必有巾王逸楚詞注佩飾也戴侗曰林罕云說文佩從重巾不知罕所見何本也

柔也者廣雅同儒柔聲相近本書孀弱也儒驚弱也一切

經音義二十四說文儒柔也謂柔悞也方言儒輸愚也注
云儒輸猶儒撰也盧君文昭曰案漢書西南夷傳作選與
後漢書西羌傳作選儒音義竝與儒撰相近禮記儒行鄭
日錄云名曰儒行者以其記有道德者所行也儒之言優
也柔也王粲儒吏論竹帛之儒豈生而迂緩也起於講堂
之上游於鄉校之中無嚴猛斷割以自裁雖欲不迂緩弗
能得矣先王見其如此是以吏服訓雅儒通文法故能寬
猛相濟剛柔自克也北史王憲傳王疑性儒緩不斷劉芳
傳為政儒緩不能禁止姦盜唐書鄭畋傳賊內輕畋儒柔
案需柔以聲相通考工記鮑人欲其柔滑而腥脂之則需
注云故書需作割鄭司農去割讀為柔需之需詩時邁懷
柔百神釋文柔本亦作濡宋書樂志昭事先聖懷濡上靈
莊子以濡弱謙下為表方言蘇之小者謂之釅菜即本草
之香蒿通鑑注魏呼柔然為蠕蠕南人語轉為芮芮鄭注
周禮大祝云濡讀為虞芮之芮 術士之稱者所謂儒術
也晏子春秋言有文章術有條理禮儒行營道同術周禮
太宰以九兩繫邦國之民四曰儒以道得民注云儒諸侯

人朱切

才過干人也從人交聲 子峻切

保氏有六藝以教民者孟子逃墨必歸於楊逃楊必歸於
儒法言君子篇通天地人曰儒漢書司馬相如傳列僊之
儒顏注儒柔也術士之稱也凡有道術皆為儒風俗通儒
者區也言其區別古今居則翫聖哲之詞動則行典籍之
道稽先王之制立當時之事此通儒也若能納而不能出
能言而不能行講誦而已無能往來此俗儒也晉書范宣
傳庾爰之問宣曰君博學通綜何以太儒宣曰漢興貴經
術至於斥渠之論實以儒為弊正始以來世尚老莊逮晉
之初競以樸樅為高僕誠太儒然立不與易羣輔錄八儒
云夫子沒後散於天下設於中國成百氏之源為綱紀之
儒居環堵之室華門圭竇甕牖樞併日而食以道自居
者有道之儒子思氏之所行也衣冠中動作順大讓如慢
小讓如偽者子張氏之所行也顏氏傳詩為道為諷諫之
儒孟氏傳書為道為疏通致遠之儒漆雕氏傳禮為道為
恭儉莊敬之儒仲梁氏傳樂為道為屬辭比事之儒公孫氏傳易
之儒樂正氏傳春秋為道為屬辭比事之儒公孫氏傳易
為道為潔淨
精微之儒

人者月令命太尉贊傑俊注云傑俊能者也王制司徒

論選士之秀者而升之學曰俊士孟子俊傑在位注云俊

美才出眾者也萬人者稱傑申鑒力稱身獲捷言羌亥勇

期賁育聖云仲尼壽稱彭祖物有俊傑不可誣也謝承後

漢書詔遣八使巡行風俗皆選有威名者同日而拜號曰八

俊後漢書黨錮傳俊者言人之英也詩羔裘三英祭兮傳

云三英三德也箋以為剛克柔克正直書立政曰三有俊傳

云能用剛柔正直三德之俊與毛鄭義同

才過千人也者集韻引作才千人也本書初印本亦作才

千人後加過字小字本李燾本竝作材本書切材十人也

廣韻智過千人曰儁書皋陶謨俊又在官鄭注才德過千

人謂之英千人謂之俊楚詞九章諱俊疑傑兮王注千人

才為俊呂氏春秋孟夏紀命太尉贊傑儁注云千人為俊

萬人為傑孟秋紀練桀儁注云才過萬人曰桀千人曰儁

淮南泰族訓故智過萬人者謂之英千人者謂之俊百人

者謂之豪十人者謂之傑明於天道察於地理通於人情

大足以容眾德足以懷遠信足以一異智足以知變者人

之英也德足以教化行足以隱義仁足以得眾明足以照

人者人之俊也行足以為儀表知足以決嫌疑廉足以分

財信可使守約作事可法出言可道者人之豪也守職而

不廢處義而不比見難不苟免見財不苟得者人之傑也

春秋繁露故萬人者曰英千人者曰俊百人者曰傑十人

者曰豪一切經音義八智出千人曰傑謂英傑也詩汾沮

洳美如英傳云萬人為英宣十五年左傳鄆舒有三儁才

靈石楊氏琴

王制司徒

俊德賢才兼

堯典克明俊德鄭注俊德賢才兼

俊德賢才兼

集韻庸人之敏謂之俊

人者月令命太尉贊傑

論選士之秀者而升之學

美才出眾者也萬人者稱傑

期賁育聖云仲尼壽稱彭祖

漢書詔遣八使巡行風俗

俊後漢書黨錮傳俊者言人之英也

云三英三德也箋以為剛克柔克

云能用剛柔正直三德之俊與毛鄭義同

才過千人也者集韻引作才千人也

千人後加過字小字本李燾本竝

廣韻智過千人曰儁書皋陶謨俊

人謂之英千人謂之俊楚詞九章諱俊

才為俊呂氏春秋孟夏紀命太尉贊傑

萬人為傑孟秋紀練桀儁注云才過萬人

淮南泰族訓故智過萬人者謂之英

者謂之豪十人者謂之傑明於天道

大足以容眾德足以懷遠信足以一

之英也德足以教化行足以隱義

人者人之俊也行足以為儀表

財信可使守約作事可法出言可道

不廢處義而不比見難不苟免見財

春秋繁露故萬人者曰英千人者曰

者曰豪一切經音義八智出千人曰

洳美如英傳云萬人為英宣十五年

連筠篔簹書

傲也者徐錯本作執也材過萬人也馥案傑執義相近詩周頌有厥其傑傳云傑苗之先長者荀子非相篇天下之傑也注云倍萬人曰傑儒效篇其通也英傑化之注云倍千人曰英倍萬人曰傑

傳

人姓從人軍聲

吾昆切

修

人名從人及聲

居立切

人名者玉篇孔鯉子名伋字子思史記仲尼弟子列傳燕伋字思左傳衛宣公太子急詩工子乘舟序作伋

伋

人名從人亢聲

論語有陳伋者論語作亢鄭注子禽弟子陳亢也檀弓作陳子亢注云子亢子車弟孔子弟子

苦浪切

伯

長也從人白聲

博陌切

長也者釋詁文舍人曰伯位之長也禮檀弓幼名冠字五十以伯仲周道也白虎通伯者長也伯者子最長追近父也釋名伯把也把持家政也

仲

中也從人從中中亦聲

直眾切

中也者玉篇引詩仲氏任只仲中也釋名仲平也位在中也白虎通仲者中也韓詩仲中也言位在中也禮記外傳周制巡狩皆在仲月注云仲者中也漢華山廟碑中宗作仲宗

伊

殷聖人阿衡尹治天下者從人從尹

於脂切

殷聖人阿衡尹治天下者後漢書蔡邕傳伊摯有負鼎之術注云摯伊尹名也帝王世紀伊尹名摯為湯相號阿衡又云太甲反位不怨故尊伊尹曰伊尹書說命昔先正伊尹則有若伊尹也太甲惟嗣王不惠于阿衡傳云阿衡平君爽成湯既受命時則有若伊尹格于皇天在太甲時則有若伊尹鄭注伊尹名摯湯以為阿衡阿倚衡平也伊尹湯所倚倚而取平以尹天下故曰伊尹至太甲改曰伊尹湯所倚倚而取平以尹天下故曰伊尹至太甲改公之官當時為之號也顧炎武曰伊尹係衡一人也湯時未為係衡至太甲時始為此官故變文以稱之也詩長發實惟阿衡傳云阿衡伊尹也箋云阿倚衡平也伊尹湯所倚倚而取平故以為官名齊職儀湯以伊尹為左相太甲

時伊尹為太保衡方碑有伊尹在殷之世號稱阿衡因而
 氏焉又衡立碑其先出自伊尹阿衡官有為氏通鑑唐僖
 宗呼田令孜為阿父注云阿係也本書尹治也釋言尹正
 也春秋繁露湯受命變夏作殷作宮於下洛之陽名官曰
 尹史記殷本紀伊尹名阿衡索隱云孫子兵書伊尹名摯
 然解者以阿衡為官名呂氏春秋云有仇氏女採得嬰兒
 於空桑後居伊水命曰伊尹
 尹正也謂湯使之正天下

古文伊從古文夂

本書夂古
 文作夂

高辛氏之子堯司徒殷之先從人契聲私列切

本書竊下云商古文契商蟲也讀與契同 五
 經文字殷始祖經典多借契字為之與商同

高辛氏之子者本書城帝高辛之妃契母號也引詩有城
 方將殷本紀殷契母曰簡狄有城氏之女為帝嚳次妃三
 人行浴見玄鳥墮其卵簡狄取吞之因孕生契 堯司徒
 者書舜典帝曰契百姓不親五品不遜汝作司徒史記司

情 人字從人青聲東齊堦謂之倩倉見切

馬相如傳契不能計正義曰契為司徒敷五教主四方會
 計 殷之先者史記殷本紀殷契索隱云契是殷家始祖
 人字也者漢人猶多以倩為字如江充字次倩蕭望之字
 長倩東方朔字曼倩 東齊堦謂之倩者方言文史記倉
 公傳黃氏諸倩徐 廣曰倩者女堦也

俾 婦官也從人予聲以諸切

婦官也者漢書元后傳立太孫為太子以母王妃為健仔
 昭帝紀母曰趙婕妤顏注健接幸也仔美稱也故以名宮
 中婦官外戚傳至武帝制健仔姬娥俗華充依各有爵位
 健仔視上卿比列侯石林燕語婕妤好史記索隱訓婕為承
 好為佐字本皆從人大抵古人取訓各以其義適然者而
 字多從省蓋健捷也乃相承敏捷之意字從省去才仔為
 相予則訓佐理亦宜然後 以為婦職因易人為女巨

志及眾也從人公聲職昔切

志及眾也者通作公諡法立志及眾曰公
禮運大道之行天下為公注云公猶其也

慧也者方言文注云謂慧了本書慧儂也讓讓慧也荀子
非相篇鄉曲之儂于楊倞注輕薄巧慧之子也韓非忠孝
篇今民儂詞智慧南都賦儂才
齊敏五臣注儂惠也惠即慧

儂 安也從人炎聲讀若談 徒甘切

安也者一切經音義九引同廣雅儂靜也荀子仲尼篇儂
然見管仲之能足以託國也楊注儂安也安然不疑也
讀若談者東京賦刻剏即詩
覃紹儂刻談覃聲並相近

儂 倏或從剏

倏 疾也從人旬聲 辭閏切

疾也者書秦誓王乃徇師而誓傳云徇循也正義云說文
云徇疾也循行也徇是疾行之意故以徇為循也馥案徇

即此徇據經傳義當作徇或作逋定四年公羊傳朋友相
衛而不相逋注云逋出表辭猶先也疏云表謂其戰時旅
進旅退之限約逋者謂不
顛步伍勉力先往之意

倏 不安也從人容聲 一日華 余隴切

不安也者本書搭動搭也廣韻搭不安又云埏塔不安
一日華者玉篇俗華婦官名史記外戚世家容華秩比二
千石漢書外戚傳至武帝制健仔姪娥俗華充依各有爵
位俗華視真二千石比太上造通作容魏志后妃傳太祖
建國始命王后其下五等有夫人
有昭儀有婕妤有容華有美人

儂 宋衛之閒謂華儂儂從人葉聲 與涉切

宋衛之閒謂華儂儂者廣韻儂儂輕薄美好
貌廣雅儂儂容也方言儂容也宋衛曰儂

佳 善也從人圭聲 古朕切

善也者廣雅同又云好也玉篇引楚詞如佳冶之芬芳兮
大招娉脩滂浩麗以佳只淮南脩務訓形夸骨佳揚雄反

騷閣中容競綽約
兮想態以麗佳

奇侏非常也從人亥聲古哀切

奇侏非常也者字或作資淮南兵畧訓明於星辰日月之
運刑德奇資之數背鄉左右之便此戰之助也注云奇資
之數奇祕之數非常術通作咳史記倉公傳受其脈書上
下經五色診奇咳注云奇咳言奇祕非常術也又通作骸
漢書藝文志五行家有五音奇骸用兵
二十三卷五音奇骸刑德二十一卷

偉也從人鬼聲周禮曰大傀異公回切

偉也者李善注江賦引同莊子列御寇篇達生之情者傀
釋文字林云傀偉也或借魁字廣雅魁大也又云魁岸雄
傑也荀子脩身篇倚魁之行非不難也楊倞注倚奇也魁
大也倚魁謂偏僻狂怪之行周禮曰大傀異者春官大
司樂文彼作大傀異
裁徐錯本有災字

瑰或從玉裏聲

方言作傀云傀盛也傀自關而西秦晉之閒語也玉篇
云瑰聲類瑰字或通作瑰史記司馬相如傳倣瑰琦

倣也從人韋聲于鬼切

奇也者李善注魏都賦引作大也廣雅偉大也周禮大卜
箭夢杜子春云箭讀為奇偉之奇史記魯仲連傳好奇偉
倣儻之
畫策

文質備也從人分聲論語曰文質份份府巾切

文質備也者文質當為彰噴本書彰也噴野人之言備
當為荀本書荀具也廣雅彬文也揚雄甘泉賦壁馬犀之
麟瞞醜謂即麟彬張衡西京賦瑤珉璘彬通作邠邠太元文
次四斐如邠如虎豹文如或作斌魏太和初公卿奏言夫
歌以詠德舞以象事於文文武為斌臣等謹製樂舞名曰
章斌之武
論語曰文質份份者彼作彬彬包注彬彬文
質相半
之貌

古文份從彡林林者從焚省聲

譙敏碑文 武彬彰

𠄎 好兒從人 𠄎聲 力小切

好兒者詩佼人僚兮傳云僚好貌 通作僚宋玉舞賦貌僚妙以妖冶

威儀也從人必聲 詩曰威儀必必 毗必切

威儀也者廣韻必威儀備也詩淇奧有斐君子韓詩作邶 美貌馥謂邶即此必 詩曰威儀必必者小雅賓之初筵

文彼作必必釋 文云說文作必

具也從人弄聲 讀若汝南潯水虞書曰方鳩倂功 士戀切

切

具也者李善注魏都賦引同 讀若汝南潯水者本書無 潯字 虞書曰方鳩倂功者堯典文馬注倂具也惠棟曰 引書後人所加非許氏本文 馥案述下引書旁述孱功

𠄎 長壯儼儼也從人鬣聲 春秋傳曰長儼者相之 良涉切

長壯儼儼也者壯廣韻引作狀廣雅儼長也 春秋傳曰 長儼者相之者昭七年左傳文彼作長鬣者相注云鬣須 也楚語而使長鬣之士相焉韋云長鬣美須髯也昭十七 年傳使長鬣者三人潛伏於舟側注云長鬣多鬣鬣馥案

傳借鬣字說者望文 為義不見古本也

儼 行兒從人 儼聲 詩曰行人儼儼 甫嬌切

行兒者詩釋文引同廣雅儼儼行也詩吉日儼儼俟俟傳 云趨則儼儼行則俟俟通作庶趙宦光曰鄭風駟介庶庶 當用儼 詩曰行人儼儼者

齊風載驅文傳云儼儼衆貌

儼 行有節也從人難聲 詩曰佩玉之儼 諾何切

詩曰佩玉之儼者衛風竹 竿文傳云儼行有節度

儼 順兒從人委聲 詩曰周道倂遲 於為切

俛

順兒者廣韻倭慎貌 詩曰周道倭遲

者小雅四牡文傳云倭遲歷遠之貌 吐猥切又

嫺也者玉篇嫺長好貌 一日長兒 魚罪切

僑

高也從人喬聲

巨嬌切

高也者文十一年左傳獲長狄僑如列子說符篇異伎張注云僑人山海經長股國郭注今伎家僑人象此馥案北方伎人足繫高竿之上跳舞作八僂狀呼為高樞當作此僑

俛

大也從人矣聲詩曰佺佺俛俛

牀史切

詩曰佺佺俛俛者小雅吉日儻儻俛俛韓詩作駮駮駮駮魯頌駮以車佺佺釋文云字林作駮走也

侗

大也從人同聲詩曰神罔時侗

他紅切

大也者徐鍇引字書侗長大也莊子庚桑楚釋文引字林侗大也即此侗 詩曰神罔時侗者大雅思齊文彼作侗

佶

正也從人吉聲詩曰既佶且閑

巨乙切

詩曰既佶且閑者小雅六月文傳云佶正也

倨

大也從人吳聲詩曰碩人倨倨

魚禹切

詩曰碩人倨倨者邶風簡兮文傳云倨倨容貌大也

任

大腹也從人工聲讀若紅

戶工切

大腹也者本書唯鳥肥大唯唯也唯唯當為任任廣韻任身肥大也

倅

疾也從人單聲周禮曰句兵欲無倅

徒案切

周禮曰句兵欲無倅者考工記廬人文彼作彈注云故書彈或作但鄭司農云但讀為彈丸之彈彈謂掉也

伉

伉也從人建聲

渠建切

伉也者一切經音義六引字林偁健也本書伉健犬也廣雅伉健也易乾健也天行健君子以自強不息淮南齊俗

訓仇行以違俗

涼 疆也從人京聲 渠竟切

疆也者廣雅同本書就疆也通作競詩秉心無競無競維人

倨 倨也從人敖聲 五到切

倨也者本書藝易也稟媿也廣韻倨下云倨傲字書傲倨且傷也一切經音義三傲謂不敬也廣雅傲傷也謂輕傷也慢也字從人釋言傲悔傲也郭云傲慢也書堯典象傲傳云傲慢不友益稷無若丹朱傲曲禮傲不可長文九年左傳楚子越椒來聘執幣傲杜云傲不敬襄二十九年傳直而不倨杜云倨傲成十四年傳衛侯響苦成叔甯惠子相苦成叔傲甯子曰苦成家其亾乎古之為享食也以觀威儀省禍福也今夫子傲取禍之道也昭二十五年傳公徒釋甲執冰而踞正義云二十七年傳說此事云豈其伐人而說甲執冰以游則此踞是游也曲禮曰游無倨倨是慢也謂傲慢而游戲馥案本書傲出游也呂氏春秋下賢篇貴為天子而不驕倨注云倨傲也或作傲後漢書崔駰

傳生而貴者傲

伉 勇壯也從人乞聲周書曰伉伉勇夫 魚訖切

勇壯也者廣雅伉勇也又云伉伉武也宣六年公羊傳伉然從乎趙盾而入何云伉然壯勇貌漢書揚雄傳金人伉伉其承鐘虞兮顏注伉伉勇健狀靈光殿賦伉欺偃以雕眩景福殿賦悍獸伉以儷陳通作屹漢書王褒傳故工人之用鈍器也勞筋苦骨終日屹屹如涪曰屹屹健作貌周書曰伉伉勇夫者秦誓文傳云伉伉壯勇之夫漢書李尋傳秦穆公任伉伉之勇顏注伉伉壯健也

倨 不遜也從人居聲 居御切

不遜也者遜當為恐戰國策嫂何前倨而後恭也大戴禮曾子立事篇與其倨也寧句盧辯注倨猶慢也史記蔡澤傳及見之又倨鄙生傳不宜倨見長者通作居漢書郵都傳丞相條侯至貴居也顏注居怠傲讀與倨同

儼 昂頭也從人嚴聲一曰好兒 魚儼切

昂頭也者當為印淮南本經訓盤紆刻儼高注刻儼浮首
虎頭之屬 一曰好兒者韻會引徐錯本下有一曰恭也
四字釋詁儼敬也曲禮儼若思詩澤陂碩大且儼傳云儼
矜莊貌通作嚴書無逸嚴恭寅畏釋文馬本作儼漢書匡
衡傳正
躬嚴恪

儼 好兒從人參聲 倉含切

俚 聊也從人里聲 良止切

聊也者班馬字類引作賴也廣雅俚聊也又云賴也聊且
也聊當作僂本書僂且也通行聊字方言俚聊也注云謂
苟且也急就篇謾詘首匿愁勿聊顏注勿聊無聊賴也秦
策百姓不聊生高云聊賴楚詞歲暮兮不自聊漢書季布
傳其畫無俚之至巨晉灼曰計畫無所聊賴
通作理孟子稽大不理於口趙注理賴也

伴 大兒從人半聲 薄滿切

大兒者詩卷阿伴奂爾游矣傳云伴奂廣大有
文章也通作胖大學心廣體胖注云胖猶大也

陔 大也從人奄聲 於業切

大也者
廣雅同

儼 武兒從人閒聲 詩曰瑟兮僾兮 下簡切

武兒者荀子榮辱篇陋者俄且儼也注云儼與攔同猛也
方言晉魏之閒謂猛為攔昭十八年左傳今執事儼然授
兵登陣服注儼然猛貌也 詩曰瑟兮僾兮者衛風
淇奧文傳云儼廣大也韓詩云儼美貌皆非本書義

伋 有力也從人不聲 詩曰以車伋伋 敷悲切

有力也者徐錯曰魯有力人曰秦堇父好勇名其子曰丕
茲取此義 詩曰以車伋伋者魯頌駟文傳云伋伋有力
也

儻 彊力也從人思聲 詩曰其人美且儻 倉才切

彊力也者詩釋文引作彊也廣韻儻多才也
詩曰其人美且儻者齊風盧令文傳云儻才也

卓 箸大也從人卓聲詩曰倬彼雲漢

竹角切 箸大也者詩釋文引作大也詩倬彼甫田韓詩作莛云卓也本書莛下云艸大也爾雅莛大也詩韓奕有倬其道箋

云倬然著明柔柔倬彼昊天箋云倬明大貌 詩曰倬彼雲漢者大雅棫樸雲漢並有此文棫樸傳云倬大也雲漢

釋文云倬王云著也

倬 長兒一曰箸地一曰代也從人廷聲

他鼎切 長兒者廣韻徑倬直也通俗文平直曰倬韓詩偁桀倬也一曰箸地者吾鄉謂倒地臥為倬 一曰代也者方言

倬代也江淮陳楚之間曰倬廣雅倬代也

輔 輔也從人朋聲讀若陪位

步崩切 輔也者謂朋比羣輔也釋詁比備也郭注備猶輔易比卦彖比輔也論語君子周而不比鄭注阿黨為比管子幼官

篇練之以散羣備署注云備猶曹也 讀若陪位者本書鄴讀若陪

熾 熾盛也從人扇聲詩曰豔妻偏方處

式戰切 熾盛也者偏通作煽釋言煽熾也熾盛也又通作扇列子黃帝篇扇赫百里 詩曰豔妻偏方處者小雅十月之交

文彼作煽傳云煽熾也釋文煽說文作偏

儆 戒也從人敬聲春秋傳曰儆宮

居影切 戒也者廣雅同易震驚百里鄭注驚之言儆戒也書大禹謨儆戒無虞又云濟水儆子傳云儆戒也詩柏舟耿耿不寐傳云耿耿猶儆儆也馥案耿耿警警不安也成十六年

左傳申宮儆備杜注申飭宮備又云退舍於夫渠不儆杜注不儆備昭十九年傳商成公儆司宮哀九年傳吳子使

來儆師伐齊魯語夜儆百工韋注儆戒也韓策乃儆公仲之行鮑注儆戒備 春秋傳

曰儆宮者襄九年左傳文

淑 善也從人叔聲詩曰令終有淑一曰始也

昌六切 善也者通作淑詩關雎窈窕淑女韓奕淑旂綏章傳並云淑善也抑淑慎爾止箋云善慎女之容止君子偕老子之

不淑箋云為不善之行燕燕淑慎其身鴉鳩淑人君子中
谷有糝遇人之不淑矣桑柔其何能淑鼓鐘淑人君子泮
水淑問如皋陶箋竝云淑善也雜記寡君使某如何不淑
注云淑善也詩曰令終有淑者大雅既醉文傳云淑始
也一曰始也者釋詁文本書淑始也書允征淑擾天紀
傳云淑始也詩載楚傲載南畝聘禮燕與羞傲獻無常數
注云始獻四時新物無常數也隱元年公羊
傳傲甚也何注傲始怒也穀梁傲字元始

備

均直也從人庸聲

余封切

均直也者玉篇備均也直也釋言備均也詩節南山昊天
不備傳云備均柏舟釋文引韓詩直相當值也史記高漸
離乃變姓名為人備係纒布傳窮困質備於齊為酒家係
注云酒家作係備也賜冠子伊尹酒係立為世師史係盧
昭美備為酒家係後漢書杜根為宜城山中酒家係注云
言為備也後周書樂運積年為人備係通作庸齊策為莒
太史家庸夫鮑注庸備同均直也
史記司馬相如傳與係庸雜作

儂

仿佛也從人愛聲詩曰儂而不見

烏代切

仿佛也者徐鍇曰見之不明也禮曰儂然有見乎其位集
韻儂侏仿佛也廣韻儂侏看不了貌聲類儂音倚儂侏仿
佛也又云儂侏一作儂儂儂儂不明莫如雲也通作愛列
子黃帝篇不儂不愛釋文不儂不儂謂或隱或見字林云
儂仿佛見不審也又通作夔太元菅菅之離注云菅菅猶
夔夔又或作曖楊慎曰班固終南山賦曖曖晦靄若鬼若
神注曖曖音愛逮雲霧吐吞障蔽天日變化殊形也韻會
曖曖不明貌一作曖曖字書或從雲作曖或從日作曖皆
蔽而不見之意宋玉高唐賦曖曖兮若姣姬揚袂障日而望
所思以揚袂障日解曖字尤明白詩曰儂而不見者邺
風靜女文彼作
愛傳云愛蔽也

仿

相似也從人方聲

妃岡切

相似也者一切經音義二仿佛古文作肪膂聲類作髣髴
謂相似見不諦也馥案或作彷彿賈誼旱雲賦時彷彿而
似有

丙

籀文仿從丙

易林仍如且饑
言仿佛似朝饑

佛 見不審也從人弗聲敷勿切

見不審也者李善注西京賦引作見不諦也注長門賦引作見不謔也又云謔與諦同注甘泉賦云仿佛相似視不謔也謔即諦字音帝徐鍇本作謔錯目謔諦也漢書敘傳學微術昧或見仿佛

儻 聲也從人悉聲讀若屑私列切

聲也者釋言文玉篇儻小聲也廣韻儻儻動也又云動草聲韻謂悉與義取此讀若屑者字書儻與儻同爾雅釋文儻音屑字又作儻案漢書武帝紀儻然如有間郭璞說斯彙切切作聲即屑肩本書肩動作切切也

儻 精謹也從人幾聲明堂月令歲將儻終巨衣切

精謹也者玉篇儻精詳也通作幾周禮幾其出入又曰幾出入不物者又曰幾酒謹酒聘義日幾中而後禮成明堂月令歲將儻終者歲玉篇作數徐鍇本亦作數集韻類篇引同周禮占夢亦同月令季冬之月日窮於次月窮於

紀星回於天數將幾終周書小開武解九紀一辰以紀日二宿以紀月三日以紀德四月以紀刑五春以紀生六夏以紀長七秋以紀殺八冬以紀藏九歲以紀終

儻 負何也從人它聲徒何切

負何也者六書故背負曰佗匈奴奇畜有橐佗肩背有肉峯隆起若橐能佗重載故以名之方言自關而西隴冀以往凡以驢馬馱載物者謂之負佗高注戰國策趙代良馬橐佗通作它新唐書裴仙先傳以橐它載金幣賓客或作駱駝外國圖大秦國人長一丈五尺好騎駱駝

儻 儻也從人可聲胡歌切

儻也者一切經音義十四引同又云穀梁傳曰何負也今皆作荷玉篇何克負也廣雅何任也又云擔也小爾雅廣言何任也又云擔也易大畜何天之衢梁武帝晉荷云負也鄭注艮為手手上肩乾為首首肩之閉何物處噬嗑何校滅巨苟爽曰為五所何故曰何校孔穎達曰何謂擔何詩無羊何蓑何笠候人何戈與殺傳竝云何揭元鳥百祿

是何傳云何任也箋云謂當僮負天之多福北山或王事
鞅掌箋云鞅猶何也掌謂捧之也負何捧持以趨走漢書
外戚傳何性命之淑靈顏注何任也負也通作荷釋天何
鼓謂之牽牛郭云今荆楚人呼牽牛星為擔者擔者荷也
古今人表何黃論語作荷詩清人傳云重喬累荷也昭七
年左傳其子弗克負荷杜注荷擔也昭二十一年傳廚人
濮以裳裹首而荷以走宣六年
公羊傳有人荷畚注云荷負也

僮

何也從人詹聲

都甘切

何也者本書僮何也玉篇僮任也何也齊語負任僮何韋
云背曰負肩曰僮漢書敘傳僮斥之畜蒯通傳守僮斥之
祿顏注僮者一人之所負擔也世說令婢路上僮糞或作
擔釋名擔任也任力所勝也莊二十二年左傳弛於負擔

儲

設也從人共聲一曰供給

俱容切

設也者玉篇設置也賈誼書平素而無設儲也後漢章帝
紀無得設儲時本書具其置也共當作供釋詁供具也
一曰供給者本書龔給也釋名恭亦言供給事人也書無
逸文王不敢盤于游田以庶邦惟正之供曲禮供給鬼神

儲

待也從人從待

直里切

檀弓蕢宰夫也非刀匕是供僮元年左傳敢不供給秦策
寡人之國貧恐不能給也高云給供通作其書舜典汝共
工傳云共謂共其職事隱九年左傳宋公
不王杜注不共王職釋文共本亦作供

待也者一切經音義十二引作待也儲待具也又十三引
作儲待具也亦待也李善注曹子建贈丁翼詩引作待也
一曰具也按玉篇待待也具也廣韻待待儲也具也漢書
平帝紀天下吏舍心得置什器儲待孫寶傳更為除舍設
儲待外戚傳主見所待美人顏注待儲待也周語待而畜
捐韋云待具也齊策今君到楚而受象牀所未至之國將
何以待君高云云待猶共也獻帝紀我邸國儲待少羽獵
賦器械儲待論衡祀義篇鬼神自有儲待耶將以人倉為
饑飽也風俗通今語有亭待蓋行旅宿食之所館也漢張
壽碑儲待非法悉無所留宋書禮志江左御出又載儲待
之物通鑑蕭衍既行舟中兵及儲待皆虛注云積物以待
用謂之待通作時釋詁時具也舍人本作待書費誓時乃
煥燿傳云皆當儲時東觀漢記俗每太守將交代添設儲
時輒數十萬北史于翼傳武帝既親萬機將圖東討詔邊

言方角年爭言 卷二十一 靈石楊氏采

城鎮竝益儲峙又作峙崔寔政論吾乃賣儲峙得二十餘萬又通作峙詩臣工峙乃錢鏐傳云峙具也鄭注考工記引詩作峙

儲 侍也從人諸聲 直魚切

侍也者一切經音義三引同又云儲貯也儲亦備也謂畜物以為備曰儲也釋名桃諸藏桃也諸儲也藏以為儲待給冬月用之也漢書五行志儲正徒顏注儲侍也西都賦行止朝夕儲不改供五臣云朝夕行止不改易其儲蓄供具也

備 慎也從人葡聲 平祕切

慎也者書說命有備無患倍五年左傳凡分至啟閉必書雲物為備故也

降 古文

位 列中庭之左右謂之位從人立 于備切

列中庭之左右謂之位者釋宮文郭云羣臣之側位也

儼 導也從人賓聲 必刃切

儀禮卿為上擯注云擯為主國之君所使出接賓也周禮大宗伯朝覲會同則為上相注云相詔王禮也出接賓曰擯入詔禮曰相又云王命諸侯則擯注云擯進之也司儀掌九儀之賓客擯相之禮注云出接賓曰擯入贊禮曰相家語弟子行篇擯相兩君之事東觀漢記大鴻臚屬官有治禮郎三十七人主齋祠擯贊丸賓之禮漢雜事陳留太守入為鴻臚不任擯贊還官齊職儀魏侍中掌擯贊

導也者廣雅同通作賓書嘉典寅賓出日徐邈讀為賓史記作敬道出日舜典賓于四門鄭注賓讀為賓謂舜為上賓以迎諸侯漢書律歷志稊賓之導也言陽氣始導陰氣始養物也武君億曰禮運昔者仲尼與於蜡賓舊讀從賓字絕句攷此宜作與於蜡為讀賓而退連讀以助祭既畢遂退也賓當作儼鄭注時孔子仕魯在助祭之中既云助祭則當為相禮也

說文解字長登 卷二十一 連筠篔叢書

儻 儻或從手

儻 儻也從人屋聲 於角切

儻也者李燾本作倅也類篇引同本書初印亦如此後乃加之本書竣倅竣也韻會竣音詮

倅 倅倅仙人也從人全聲 此緣切

倅倅仙人也者史記司馬相如傳倅倅之倫索隱韋昭云古仙人姓倅列仙傳云槐里采藥父也倉松形體生毛數寸方眼能行遠走馬也顏注漢書引郭璞曰倅倅仙人也倉松子而眼方甘泉賦雖方征僑與倅倅兮五臣注古仙人名張纘南征賦偶南榮之倅倅抱朴子釋滯篇唐堯之有四海可謂太平也而倅倅不佐焉

僦 僦也從人晶聲 齒涉切

心服也者本書僦服也

僦 僦也從人約聲 徒歷切

約也者約或作約釋天奔星為約約御覽七十三說文權水上橫木所以渡也亦曰約今謂之畧約廣韻約橫木渡水

儕 儕也從人齊聲 春秋傳曰吾儕小人 仕皆切

等輩也者一切經音義一字林儕等也儕猶輩類也成二 年左傳況吾儕乎僖二十三年傳晉鄭同儕杜注並云儕 等也樂記故先王之喜怒各得其儕焉注云儕猶 輩類 春秋傳曰吾儕小人者宣十一年左傳文

儻 儻也從人倫聲 一曰道也 力屯切

輩也者急就篇名顯絕殊異等倫曲禮儻人必於其倫衛 策勝黃城則功大名美內臨其倫鮑云臨其等倫之人漢 書甘延壽傳投石超距絕於等倫 一曰道也 者本書儻下云倫理也祭統夫祭有十倫焉

儻 儻也從人牟聲 莫浮切

齊等也者字林同廣雅儻齊也中山策何 倅名於我高云倅等沈約詩昔賢倅時雨

借

疆也從人皆聲詩曰借借士子一日俱也

古諧切

靈石楊氏采

詩曰借借士子者小雅北山文傳云借借強壯貌 一曰俱也者詩陟岵夙夜必借擊鼓與于借老傳竝云借俱也 杖杜卜筮借止箋云借俱莊七年左傳星隕如雨與雨借也 借二十四年左傳與女借隱杜注竝云借俱也 孟子古之人與民借樂 注云借俱也

借

借也從人具聲

舉朱切

借也者本書旅下云从俱也案從隨行也 齊策衍吾讐也而儀與之俱高云俱借也

借

最也從人贊聲

作管切

最也者本書最又曰會廣韻攢聚也集韻聚而計事曰最 通作纂漢書藝文志揚雄作訓纂篇又通作攢潘岳笙賦 歌棗下之纂纂李善注引古 咄唱歌棗下何攢攢攢聚貌

借

竝也從人并聲

卑正切

竝也者本書竝併也大射儀下射升上射揖竝行注云竝 併也通作并釋名并者兼并也王制輕任并重任分釋文 并本又作併春秋元命苞并之為言精合交并太康地記 并州不以衛水為號不以恆山為稱而云并者蓋以兩國 之閒 乎

借

相也從人專聲

方遇切

相也者廣韻傳相也玉篇太傅太保相天子也大戴禮保 傅篇傳傳之德義儔二十八人左傳鄭伯傅王杜云傅相 也馥案漢諸 王有傅有相

借

惕也從人式聲春秋國語曰於其心忒然

恥力切

惕也者廣雅忒慎也玉篇慎心動也 春秋國語曰於其心忒然者吳語文彼作威玉篇引作忒云忒猶惕也

借

輔也從人甫聲讀若撫

芳武切

輔也者埤蒼同釋詁輔輔也郭云輔猶 輔也馥謂輔當為誦本書誦人相助也

說文解字義登

卷二十一

三

連筠移叢書

倚 依也從人奇聲 於綺切

依也者韻集倚倭也集韻倭倚也禮器有司跛倚以臨祭注云依物為倚秦策北倚河高云倚猶依也

倚 倚也從人衣聲 於稀切

倚也者書君陳毋依勢作威毋倚法以削論語依於仁何晏曰依倚學記不學博依不能安詩正義謂依倚譬喻也宋玉招魂徜徉無所倚王注倚依也

仍 因也從人乃聲 如乘切

因也者釋詁文類篇仍說文因也關中語本書仍因也書顧命華玉仍几傳云仍因也周禮司几筵凶事仍几鄭司農云仍因也論語仍舊貫鄭注仍因也

便 便利也從人次聲詩曰浹拾既飲一日遞也 七四切

便利也者漢書宣帝紀應募飲飛射士服虔曰周時渡江越人在船下負船將覆之飲飛入水般之漢因以材力名

官如瀉曰呂氏春秋荆有茲非得寶劍於干將渡江中流兩蛟繞舟茲非拔寶劍赴江刺兩蛟殺之荆王聞之任以執圭後世以為勇力之官茲飲音相近臣瓚曰本秦左弋官也武帝改曰飲飛在上林苑中結繒繳弋鳧雁歲萬頭以供祀宗廟許慎曰飲飛在上林苑中結繒繳以弋鳧雁故曰飲飛漢舊儀飲飛具繒繳以射鳧雁漢書百官公卿表武帝太初元年更名左弋為飲飛飲飛掌弋射詩曰浹拾既飲者小雅車攻文傳云飲利也郭云今俗亦名更代作為恣作也

佖 飲也從人耳聲 仍吏切

飲也者徐鍇本作次也廣韻佖次也釋言佖貳也郭云佖次為副貳司馬遷報任安書僕又佖之蠶室如瀉曰佖次也若人相次也馥案本書訓飲取更遞副貳意

倻 飲也從人走聲 子葉切

飲也者廣雅倻疾也方言宋楚之閒謂之倻注云言便捷也通作捷漢書東方朔傳捷若慶忌

侍承也從人寺聲時吏切

釋名侍時也尊者不言常於時供所當進者也 孝經曾子侍釋文卑在尊者之側曰侍 詩百兩御之王肅云御侍也

承也者廣雅同徐錯曰承其不及也故傳曰孔子有云言語不修子貢侍節小失公西華侍是也馥案史記魏世家

公仲連進牛畜荀欣徐越畜侍以仁義欣侍以舉賢使能越侍以節財儉用

順去營切仄也從人從頃頃亦聲

仄也者仄當為矢本書矢傾頭也玉藻頭容直注云不傾顧也荀悅申鑒仄弁垢顏不鑒於明鏡矣抱朴子明鏡舉

則傾冠見矣

側旁也從人則聲阻力切

書洪範無反無側 曲禮倒筴側龜於君前有誅注云側反側也 詩召南在南山之側 史記平準書公卿請令京師

鑄鍾官赤側

旁也者廣雅同曲禮傾則姦注云辟頭旁視心不正也傾或為側馥案側通作仄漢書五行志載董仲舒災異對云

視近臣在國中處旁仄及貴而不正者忍而誅之

宴也從人安聲易寒切

宴也者當為晏本書晏安也經典通作安禮表記君子莊敬日強安肆日偷閔元年左傳宴安酖毒僖二十三年傳

懷與安實敗名漢書人表齊晏孺子顏云即安孺子

恹靜也從人血聲詩曰闕宮有恤況逼切

靜也者書舜典惟勅之恤哉史記作靜集解引書作謚本書謚靜語也 詩曰闕宮有恤者魯頌闕宮文傳云恤清

靜也馥案靜當作靖通行靜字

與也從寸持物對人方遇切

與也者當為与或為予廣雅付予也玉篇書云皇天既付付与也通作孚書高宗彤日天既孚命正厥德石經作付

漢書孔光傳引作付釋之曰民不順德天既付命罰之從寸持物對人者當云從又持物對人又手也又下一畫即物也韻會小補引徐鍇曰又手也會意

俾

使也從人粵聲

皆丁切

使也者讀如使酒之使詩桑柔荜云不逮傳云荜使也小使也徐鍇本作俠也錯曰任俠也類篇亦引作俠集韻同本書粵俠也三輔謂輕財者為粵俠俾也廣雅粵俠也

俠

俾也從人夾聲

胡頰切

俾也者史記季布傳為氣任俠集解俠俾也

儻

儻何也從人亶聲

徒干切

儻何也者增韻引作態也廣韻儻態也馥謂增韻本引廣韻誤併說文

佚

行兒從人先聲

所臻切

行兒者一切經音義七引作佚佚往來行兒也玉篇佚往來佚佚行聲詩云佚佚征夫也馥案詩作駢駢音莘孟子伊尹耕於有莘之野莘佚聲相近伊尹之母呂氏春秋云有佚氏女是也楚詞招魂往來佚佚些注云佚佚行聲也通作姚上林賦媼姚媼循

仰

舉也從人從卬

魚兩切

易繫辭仰以觀於天文樂記執其干戚習其俯仰詘伸容貌得莊焉

舉也者廣雅同

伫

立也從人豆聲讀若樹

常句切

立也者伫玉篇作位別有伫字云佔伫輕薄也廣韻位與討同無伫字讀若樹者當為討本書討立也讀若駐

儂

俶兒從人纍聲

一曰懶解

落猥切

荀子不苟篇窮則弃而儂韓詩外傳作弃而累馥案儂即此儂累隸通猶濕水作潔水

焱兒者老子王弼本儼儼兮若無所歸河上公本作垂垂兮
又云僚僚疲也廣韻儼極困也釋言諛諛累也列子力命
篇眠媿諛諛勇敢怯疑四人相與游於世注云諛諛煩重
貌

𡗗

安也從人聖聲

則臥切

安也者坐通作坐樂府詩丈人且安坐

𡗘

揚也從人再聲

處陵切

揚也者廣韻稱宣揚美事通作稱禮祭統銘者自名以稱揚其先祖之美詩七月稱彼兕觥稱觥與揚解意同漢書季布傳使僕游揚足下名於天下

伍

相參伍也從人從五

疑古切

桓五年左傳先偏後伍杜云五人為伍 司馬法五人為伍 六韜田里相伍 周禮小宰八成一曰聽政以比居先鄭

云比居謂伍籍也比地為伍因內政寄軍令以伍籍發軍起役者平而無遺脫也 孫子謀攻篇全伍為上破伍次之又

兵勢篇凡治眾如治寡分數是也注云部曲為分什伍為數尉繚子故五人而伍十人而什百人而卒千人而率萬人

而將 管子立政篇十家為什五家為伍什伍皆有長焉又度地篇令曰常以秋歲末之時閱其民案家人比地定什伍

口數馥案周禮小司徒及三年則大比注云大比謂使天下更簡閱民數及其財物也鄭司農云五家為比為名今時入

月案比是也 周書大聚解五戶為伍以首為長十夫為什以年為長 漢舊儀五人為伍伍長一人 說苑堅其行陣

連其什伍 史記白起傳於是免武安君為士伍 李衛公問對太宗曰伍家有數法孰者為要靖曰臣案春秋左氏傳

云先偏後伍又司馬法曰五人為伍尉繚子有束伍令漢制有尺籍伍符後世符籍以紙為之於是失其制矣臣酌其法

自五人而變為二十五人自二十五人而變為七十五人此則步卒七十二人甲士三人之制也舍車為騎則二十五人

當八馬此則五兵五當之制也是則諸家兵法唯伍法為要小列之五人大列之二十五人參列之七十五人又總參其

數得三百七十五人三百人為正六十人為奇此則百五十人分為二正而三十人分為二奇蓋左右等也穰苴所謂五

人為伍十伍為隊至今因之此其要也 韓詩外傳古者八家而井田方里為一井廣三百步長三百步為一里其田九百畝廣一步長百步為一畝廣百步長百步為百畝八家為鄰家得百畝餘夫各得二十五畝家為公田十畝餘二十畝共為廬舍各得二畝半八家相保出入更守疾病相憂患難相救有無相貸飲食相召嫁娶相謀漁獵分得仁恩施行是以其民和親而相好詩曰中田有廬疆場有瓜今或不然令民相伍有罪相伺有刑相舉使構造怨仇而民相殘傷和睦之心賊仁恩害士化所和者寡欲敗者多 於仁道泯焉詩曰其何能淑載胥及溺

相參伍也者增韻參伍三相參為參五相伍為伍易繫辭參伍以變正義參三也伍五也或三或五以相參合以相改變昭元年左傳五乘為三伍杜云乘車者車三人五乘十五人以五人為伍分為三伍韓非子參之以此物伍之以合虛荀子注引作伍之以台參急就篇戎伯總閱什伍鄰顏注戎謂編士卒之列也百人為伯則置長以總統閱視之也五人為伍二伍為什五家為鄰又依此法各有部署安居服役皆遵制令無乖刺也又云變鬪殺傷捕伍鄰顏注有犯變鬪殺傷者則同伍及鄰居之人皆被收掩也襄三十年左傳廬井有伍注云九夫為井使五家相保尉

繚子束伍令云五人為伍共一符收於將吏之所伍而得伍當之得伍而必有賞伍不得伍身死家殘漢書馮唐傳安知尺籍伍符李奇曰伍符軍十五五相保之符信也如清曰伍符亦什伍之符要節度也史記索隱云伍符者命軍人伍伍相保不容奸作也續漢書百官志民有什伍注云什主十家伍主五家以相檢察

什相十保也從人十切是執

周禮小宰會其什伍而教之道藝注云五人為伍二伍為什昭元年左傳以什共車必克杜云更增十人以當一車之用正義云周禮十人為什襄十三年傳使其什吏正義云什吏謂十人長也 漢舊儀十人為什什長一人 漢書鼂錯傳什伍俱前顏注五人為伍二伍為什 鹽鐵論什伍相連

相什保也者保當為年本書年相次也徐鍇曰年五家為年使之相次比也十其總率也周禮大司徒令五家為比人相保家與家相愛吳子圖國篇鄉里相比什伍相保尉繚子伍制令軍中之制五人為伍伍相保也十人為什什相保也五十人為屬屬相保也百人為閭閭相保也伍有

干令犯禁者揭之免於罪知而弗揭全伍有誅什有干令犯禁者揭之免於罪知而弗揭全什有誅屬有干令犯禁者揭之免於罪知而弗揭全聞有誅夫什伍相結上下相聯無有不得之姦無有不揭之罪史記商君列傳令民為什伍索隱劉氏云五家為保十家相連也正義云或為十保或為伍保北史高祐傳設禁賊之方令五五相保若盜發則連其坐

佰

相什佰也從人從百

搏陌切

顏注急就篇百人為佰尉繚子使什伍如親戚卒佰如朋友又分塞令佰有分地營其溝洫而明其塞令使非百人無得通非其百人而人者佰誅之

相什佰也者周書太子晉解士率眾時作謂之曰佰淮南兵畧訓正行伍連什佰史記秦始皇本紀偃起於什佰之中論衡量知篇不曉什佰之陣不知擊刺之術者彊使之軍軍覆師敗無其法也

倍

會也從人昏聲詩曰曷其有倍一日倍倍力兒

古活切

會也者廣韻會計曰佻通作括詩車牽德音來括傳云括會也釋文括本又作佻役文傳云佻會也

恰

合也從人合聲古沓切

合也者廣韻恰併恰聚玉篇恰合取也取當為聚王制不能五十里者不合於天下注云合會也論語始有曰苟合矣注云合聚也

精

妙也從人從支豈省聲無非切

戴侗曰唐本散在端部曰敬見其端也通作微成十四年左傳春秋之稱微而顯老子搏之不得名曰微妙也者李善注文賦引同本書無妙字漢書張安世傳宣帝下詔曰朕微眇時張賀輔道朕躬祭義雖有奇邪而不治者則微矣注云微猶少也列子釋文微少也

原

黠也從人原聲魚怨切

竟文部

黠也者方言黠慧也通作
原論語鄉原德之賊也

起也從人從亼則洛切

起也者釋名同易乾卦聖人作而萬物覩釋文作鄭云起也書無逸作其卽位鄭注作起也說命作我先王傳云作起詩桑柔作爲式穀荅伯作爲此詩箋竝云作起也鄉飲酒記以爵拜者不徒作周禮大司馬進興功以作邦國考工記作而行之檀弓孔子蚤作鄭注竝云作起也襄二十三年左傳今君間晉之亂而後作焉杜云作起兵也通鑑元魏詔罷起部無益之作注云起部掌百工之事書曰百工起哉馥謂起部猶將作大匠釋天太歲在酉曰作噩李巡云作噩皆物也枝起之兒

假 非真也從人段聲一曰至也虞書曰假于上下古疋切又

非真也者疑後人所加古無言真假者但曰實曰僞襄十八年左傳使乘車者左實右僞是也本書真字亦不言假

之對自漢高帝謂韓信大丈夫定諸侯卽爲真王耳何以假爲翻歆說書以古文嘉禾假王蒞政王莽因稱假皇帝後竟卽真遂有真假之對僞本書所謂非真者當作段字段借也漢假司馬之類唐謂之借職是也一曰至也者本書假至也 虞書曰假于上下者堯典文彼作格

借 假也從人昔聲資昔切

徐鉉所加

借 漸進也從人又持帚若埽之進又手也七林切

漸進也者通作浸易臨卦剛浸而長史記武帝紀天子始巡郡縣侵尋於泰山封禪書作浸尋莊子大宗師浸假而化子之左臂以爲雞浸假而化子之尻以爲輪臂以爲彈浸假而化子之尻以爲輪

僨 賣也從人賣聲余六切

賣也者集韻作買周禮司市以量度成價而徵僨注云僨買也物有定價則買者來也疏云此字所訓不定案下文

說文解字義證卷二十四

所云貴債者鄭注貴賣之鄭亦望文為義故注不同也又
且賣者疏云此經明債為賣不得為買上文每云賣債不
得為債故為買是鄭望文為義故不定也又賈師凡天患
禁貴債者注云謂若糶米穀棺木貴賣之又云凡國之賣
債各帥其屬而嗣掌其月注云債買也醜案此如酷字亦
買賣無定訓也徐鍇本作見也釋詁覲見也廣韻覲見也
易困卦三歲不覲春秋莊二十四年大夫宗婦覲用幣
公羊云覲者何見也禮郊特牲不敢私覲論語私覲

候

伺望也從人侯聲

胡蓮切

書禹貢五百里侯服傳云侯也斥侯而服事正義襄十八
年左傳稱晉人伐齊使司馬斥山澤之險斥謂檢行之也斥
侯謂檢行險阻伺候盜賊此五百里主為斥侯而服事天子
宣十二年左傳前茅慮無杜云慮無如今軍行前有斥侯
踰伏皆持以絳及白為幡見騎賊舉絳幡見步賊舉白幡備
慮有無也成二年傳司馬司空輿師侯正亞旅皆受一命之
服杜云侯正主斥侯襄十八年傳晉人使司馬斥山澤之險
杜云斥侯也六韜凡帥師之法當先發遠候去敵二十里

審知敵人之所往秦策韓必為關中之候而魏亦關內候
矣高云為秦察諸侯動靜趙策侯者來言而王弗聽東周策
告東周之侯曰今夕有姦人當入者矣侯得而獻東周孝
經援神契侯也所以守蕃也史記律書願且堅邊設候
環濟要畧庶子授八次八舍之職以徵候衛公兵法畫
日逐高要處安置斥侯以視動靜通鑑王僧達自候道南
奔注云候道伺候邊上警急之道也今沿路列置烽臺者即候道

伺望也者本書無伺字廣雅侯望也周禮有候人宣十二
年左傳豈敢辱候人杜云候人謂伺候望敵者昭二十三
年傳明其伍候杜云使民有部伍相為候望史記李將軍
傳然亦遠斥侯索隱按許慎注淮南云候視也望也漢書
貢禹傳乘北邊亭塞侯望傳介子傳樓蘭王安歸常為匈
奴候遮漢使者顏注言為匈奴之閉而候伺後漢書光武
紀築亭候注云亭候伺望敵之所後周書韓果善伺敵
虛實有潛匿溪谷者果登高之所疑處往必有獲由是以
果為虞侯都督通鑑魏設酒禁增置內外候官伺
察諸曹及州鎮又云隋文帝量置候人以伺動靜

償

還也從人賞聲

會章切

還也者老子以道佐人主者不以兵強天下其事好還本
書負下云受貸不償僖十五年左傳西鄰責言不可償也
杜云不可報償檀弓季子皋葬其妻犯人之禾申祥以告
曰請庚之注云庚償也漢書雋不疑傳或誤持同舍郎金
去同舍郎疑不疑
不疑買金償之

僅材能也從人董聲渠杏切

僖四年穀梁傳以桓公得志為
僅矣周語余一人僅亦守府

材能也者字林作才徐鍇本同鍇曰僅能如此是才能如
此才始詞也本書考老人行才相逮沉財溫水救刺之財
至也後漢書馬援傳但取衣倉裁足廣韻僅纜也纜僅也
華嚴經音義僅纜能也漢書杜欽傳迺為小冠高廣材二
寸顏注材與纜同漢書鼂錯傳遠縣纜至注云纜淺也猶
云僅至也李陵答蘇武書僅乃得免李善云何休公羊傳
注僅纜也馥謂材財裁纜
皆同聲假借當以才為正

叟也從人弋聲徒耐切

叟也者方言更代也玉篇引書天工
人其代之莊子尸祝不越俎而代之

儀度也從人義聲魚羈切

度也者度謂忖度詩烝民我儀圖之漢書外
戚傳皆心儀霍將軍女顏注心儀即心擬

儗近也從人旁聲步光切

近也者廣雅同李善注邱遲詩引作附也賈誼
書成王之生仁者養之孝者強之四聖傍之

儗象也從人呂聲詳里切

六書故唐本無侶字其
呂字作訓象也用也
象也者管子七法篇似也類也比也狀也謂之象
賈誼旱雲賦鬼隆崇以崔巍兮時彷彿而有似

便安也人有不便更之從人更切

安也者廣雅同墨子天志中篇百姓皆得煖衣飽食便寧
無憂荀子議兵篇汝所謂便者不便之便也所謂仁義者

大便之便也顏注漢書凡言便殿便宮便坐者所以就便安也人有不便更之從人更者字統人有不善更之則更從人

任

任係也從人壬聲

如林切

係也者廣雅同周禮大司徒合五家為比使之相係注云係猶任也魏策大王已知魏之急而救不至者是大王籌策之臣無任矣淮南說山訓不孝弟者必詈父母生子者所不能任其必孝也然猶蒼而長之高注任係也漢書樂布傳窮困賣傭於齊為酒家係顏注為係言可任使馥案中酒家係注云言為人備力係任而使之也

俚

警諭也一日聞見從人從見詩曰俚天之妹

苦甸切

警諭也者詩釋文正義後漢書胡廣傳注引竝同一日聞見者當為閒俚釋言閒俚也郭云左傳謂之謀即今之細作也馥案淮南齊俗訓警俚之見風無須臾之閒定矣船上候風羽謂之俚能謀知風信也詩曰俚天之妹者

優

優也從人憂聲

一日倡也

於求切

大雅大明文傳云俚磬也釋文韓詩作磬磬譬也正義此俚字韓詩作磬則俚磬義同也蓋如今俗語譬諭物云磬也作然

饒也者詩瞻印天之降罔惟其優矣傳云優渥也箋云優寬也正義釋傳云以優為優饒之義故為渥也釋箋云優饒者寬容之義信南山既優既渥箋云潤澤饒洽馥案優渥字本書作漫鄭訓為饒則作此優字解矣周語則享祀時而布施優裕也韋云優饒也一日倡也者徐鍇本有又伴優者四字本書倡樂也三蒼優樂也管子小匡篇倡優侏儒在前而賢大夫在後齊策和樂倡優侏儒之笑不乏史記滑稽列傳優孟者故楚之樂人也優旃者秦倡侏儒也索隱優者倡優也漢書徒關東倡優人五千以為陵戶賈誼傳倡優下賤司馬遷傳倡優畜之魏志注引曹瞞傳太祖為人佻易無威重好音樂倡優在側馥案此所言倡優謂樂歌也本書俳戲也急就篇倡優俳笑觀倚庭顏注優戲人也襄六年左傳少相狎長相優杜云優調戲也襄二十八年傳陳氏鮑氏之圍人為優杜云優俳正義優

者戲名也今之散樂戲為可笑之語而令人之笑是也宋
太尉袁淑取古之文章令人笑者次而題之名曰俳諧集
定二十年穀梁傳齊人使優施舞於魯君之幕下范云優俳
哀二十五年左傳公使優狻盟拳彌杜云優狻俳優也晉
語公之優曰施注云優俳也越語信讒喜優注云優謂俳
優也通典散樂非部伍之聲俳優歌舞雜奏馥案此所言
俳優謂諧戲也

信

樂也從人喜聲許其切

樂也者一切經音義九引同本書喜樂也

信

富也從人瞢聲尺允切

富也者本書眷厚也富厚也廣韻僭厚也富也
春秋繁露春之猶言僭也僭者喜樂之貌也

完

完也逸周書曰朕實不明以佺伯父從人從完胡困切

完也者廣韻佺全也本書完全也

儉

約也從人僉聲巨險切

約也者廣雅儉搏也玉篇搏約也儉也論語夫子溫良恭
儉讓以得之皇疏去奢從約謂之儉又以約失之者鮮矣
何注儉約無憂患顏氏家訓治家篇儉者省約為禮之謂也

倨

鄉也從人面聲少儀曰尊壺者倨其鼻彌箭切

鄉也者倨通作面廣韻響也鄭注召誥面猶向也周禮擇
人使萬民和說而正王面注云面猶鄉也玉藻惟君面尊
注云面猶鄉也論語人而不為周南召南其猶正牆面而
立也與注云人而不為如向牆而立馥案反言之則為背
離騷倨規矩而改錯法言倨則倨焉少儀曰尊
壺者倨其鼻者疑後人所加本書不舉戴記篇名

俗

習也從人谷聲似足切

釋名俗欲也俗人所欲也管子藏於官則為法施於國則
為俗 鵠冠子化不因民不能成俗 漢書地理志凡民
五常之性而其剛柔緩急音聲不同繫水土之風氣故謂之
風好惡取舍動靜凶常隨君王之情欲故謂之俗 後漢書

班固傳痛乎風俗之移人也

習也者玉篇習俗安也廣雅俗習也周禮大司徒以俗教安則民不偷注云俗謂土地所生習也老子安其俗傳奕引鄭說為注劉氏新論風俗篇風者氣也俗者習也土地水泉氣有緩急譬有高下謂之風焉人居此地習以成性謂之俗焉

俾

益也從人卑聲一曰俾門侍人

并頭切

益也者本書饜益也埤增也增益也一曰俾門侍人者釋詁俾使也郭云謂使令馥案本書使伶也詩車鄰寺人之令傳云寺人內小臣也釋文寺本或作侍字寺人奄人令韓詩作伶云使伶玉篇引書有能俾又俾使也書無逸文王卑服馬本卑作俾云使也詩天保俾爾單厚傳云俾使又日月俾也可忘箋云俾使也文十二年公羊傳俾君子易怠注云俾使也

俾

俾也從人兒聲

五雞切

俾也者謂俾倪也本書障城上女牆俾倪也史記信陵君傳侯生下見其容朱亥俾倪故久立釋魚左倪不類右倪不若郭云行頭左庫行頭右庫邢疏按賈公彥說周禮以倪為睥睨則左倪右倪是左顧右顧也莊子馬蹄篇加之以衡軛齊之以月題而馬知介倪注云介倪猶睥睨俾倪僻倪竝同宋周朗上疏尚方今造一物小民明已睥睨

億

安也從人意聲

於力切

安也者通作億隱十一年左傳寡人惟是一二父兄不能共億昭二十一年傳心億則樂昭三十年傳我盍姑億吾鬼神杜注竝云億安也晉語億寧百神吳語億負晉眾庶韋注竝云億安也賈誼書謚者億也又云臣民順億

俾

伶也從人吏聲

疏士切

伶也者通作令急就篇廚宰切割給使令又云臣妾使令詩車鄰寺人之令韓詩作伶云使伶也孟子便嬖不足使令於前與

俾

俾左右兩視從人癸聲

其季切

倅左右兩視者倅字上下疑有闕文倅
通作睽魯靈光殿賦顛顛顛而睽睽

倅 弄也從人令聲益州有建伶縣 郎丁

弄也者漢書武帝有弄兒司馬遷傳固主上所戲弄倡優
畜之鹽鐵論耳聽五音目視弄優 益州有建伶縣者見
漢志應劭音鈴徐鍇本縣下有伶倫人名也五
字漢書人表洽倫氏服虔曰始造十二律者

倅 琴儷也從人麗聲 呂支

琴儷也者本書琴
木枝條琴儷也

傳 遽也從人專聲 直戀

遽也者本書遽傳也集韻傳驛遽也增韻驛遽郵馬也古
者以車駕馬乘詣京師謂之傳車其後又置單馬乘之謂
之驛騎者今之遞馬也凡四馬高足為置傳中足為馳傳
下足為乘傳一馬二馬為輶傳漢律諸當乘傳及發駕置
傳者皆持尺五寸木傳信封以御史大夫印章其乘傳參
對之參三也有期會累封兩端端各兩封凡四封乘置馳

傳五封之兩端各二中央一輶傳兩馬再封之一馬一封
以馬駕輶車而乘傳曰一封輶傳釋言遽傳人孫炎曰傳
車也詩江漢箋云克勝則使傳遽告功於王釋文以車曰
傳以馬曰遽周禮行夫掌邦國傳遽之小事注云傳遽若
今時乘傳騎驛而使者也玉藻士曰傳遽之臣注云以車
馬給使也齊策車舍人不休傳鮑云驛遽也韓非喻老篇
遽傳不用故曰却走馬以糞馥案一切經音義七傳驛也
廣韻傳郵馬成五年左傳晉侯以傳召伯宗注云傳驛定
十二年傳傳必數日而後及絳漢舊儀使司馬遷乘傳行
天下求古諸侯之史記又云分遣丞相御史乘傳駕行郡
國解囚徒郡國各分遣吏傳廢車馬行屬縣解囚徒鹽鐵
論建節馳傳巡省郡國續漢書種嵩為益州刺史馳傳上
言謝承後漢書東海兩縣僻在山陽傳駟不往又云百里
嵩為徐州刺史遭旱行部傳車所經甘雨輒至又云周敞
與別駕陳茂俱行部到潁川楊翟傳中置美酒一柶勅
御騶載酒非宜也晉令乘傳曰出使馥謂此皆言傳車傳
騶驂載酒非宜也晉令乘傳曰出使馥謂此皆言傳車傳
馬也又案釋名傳傳也人所止息去後人復來轉轉相傳
無常人也魏策今鼻之入秦之傳舍不足以致舍之史記外
戚世家姊去我西時與我決於傳舍中索隱傳舍謂郵亭

傳置之舍風俗通義祝恬公車徵道病汲令為解傳宿止
傳中數十餘日謝承後漢書李壽為青州刺史發璽書於
本縣傳舍後漢書范滂傳閉傳舍注云傳驛舍也三輔決
錄韋康為涼州刺史出止傳舍陳寔別傳高倫被徵為尚
書郡中士大夫送至傳舍魏志陳羣傳昔劉備自成都至
白水多作傳舍王隱晉書河南尹郡中多怪後人皆於廊
下郵傳中治事鄭審開元中充館驛使令
傳舍立十二辰候馥謂此皆言傳舍也

停

小臣也從人從官詩曰命彼信人

古患切

詩曰命彼信人者鄙風定之
方中文傳云信人主駕者

休

善也從人介聲詩曰价人惟藩

古拜切

善也者釋詁文彼作介郭注引詩亦作介
詩曰价人惟藩者大雅板文傳云价善也

克

克也從人子聲

子之切

克也者廣雅仔克也詩敬之
佛時仔肩傳云仔肩克也

送

送也從人夨聲呂不韋曰有佻氏以伊尹併女古文

以為訓字

以證切

送也者釋言文彼作媵後漢書注引孫炎云送女曰媵釋
名姪娣曰媵媵承事嫡也急就篇妻婦聘嫁齊媵僮顏注
媵送女也易咸象媵口說也鄭虞並作媵云送也燕禮升
媵觚于賓注云媵送也莊十九年公羊傳媵者何諸侯娶
一國則二國往媵之以姪娣從姪者何兄之子也娣者弟
也諸侯一聘九女諸侯不再聘僖五年左傳以媵秦穆姬
社云送女曰媵春秋成八年衛人來媵社云古者諸侯取
適夫人及左右媵乃有姪娣皆同姓之國國三人凡九女
所以廣繼嗣也魯將嫁伯姬於宋故衛來媵之楚詞九歌
魚鱗鱗兮媵予注云媵送也 夨聲者本書無夨字睽亦
從夨聲玉篇夨主倦切火種 呂不韋曰有佻氏以伊尹
併女者呂氏春秋本味篇文僉通作莘說苑伊尹故有莘
氏媵臣也 古文以為訓字者莊君述祖曰逸周書王
用有監明憲朕命朕當作訓古文訓作併故譌作朕

餘

緩也從人余聲

似魚切

緩也者徐通作徐顏注急就篇云徐者舒緩之稱也孟子子謂之姑徐徐云爾釋地濟東曰徐州釋名徐舒也土氣舒緩也史記齊世家田常執簡公於徐州索隱徐字從人又通作余釋天四月為余孫炎本作舒又通作除詩小明二章昔我往矣日月方除箋云四月為除馥謂四月日行正緩晝長時也

僻 僻窶也從人屏聲毗正切

僻窶也者荀子榮辱篇注引同廣韻僻隱僻也無人處或作僻集韻僻旁側也

伸 屈伸從人申聲失人切

屈伸者本書舒伸也玉篇伸舒也易曰尺蠖之屈以求伸也案繫辭伸作信又云往者屈也來者信也周禮大宗伯侯執信圭伯執躬圭注云信圭刻人形信也躬圭刻人形屈也莊子熊經鳥伸

拙 拙也從人且聲似魚切

拙也者六書故淮南子曰使但吹竽今俗亦以拙鈍為但廣雅但鈍也離騷理弱而媒拙兮王逸云拙鈍也

儻 意儻也從人然聲人善切

意儻也者玉篇儻意急而懼也通俗文警警曰儻

儻 弱也從人奐聲奴亂切

弱也者本書慶讀若便弱之便奐讀若畏便廣雅便弱也通作奐一切經音義一物柔曰奐三蒼奐柔弱也楚策鄭魏者楚奐國鮑云奐弱也漢書王吉傳數以奐脆之玉體犯勤勞之煩毒顏注奐柔也司馬遷傳僕雖怯奐欲苟活顏注奐柔弱也劉輔傳精銳銷奐蘇林曰奐弱也後漢書曹褒傳嚴奏褒奐弱或作軟楚策李園軟弱人也漢書賈誼傳坐罷軟不勝任者顏注軟弱也

倍 反也從人音聲薄亥切

反也者中庸為下不倍緇衣信以結之則民不倍孟子師亦而遂倍之趙策談語而不稱師是倍也鮑云言背其師又云若與國有倍約者以四國攻之衛策燕趙好倍而貪地鮑云倍謂背約秦策趙厚送遣之是不敢倍德畔施又

云魏許寡人以地今戰勝魏王倍寡人也齊策是足下倍先君盟約楚策楚王畏必不敢倍盟淮南子禹作三切之城諸侯倍之禹知天下叛之乃壞城為平地賈誼書愛利出中謂之忠反忠為倍易解卦負且乘虞云負倍也通作背漢書荆罰積而民怨倍大戴禮作背書太甲既往背師係之訓漢書高帝紀君為秦吏今欲背之楚辭九歎信中塗而叛之王

僞

引為賈也從人馬聲

於建切

引為賈也者廣韻傷與賈同引與為價廣雅取賈也取當為弘玉篇弘挽弓也弘引聲義同後漢書崔實傳實從况烈因傅母入錢五百萬得為司徒及拜日天子臨軒百僚畢會帝顧謂親倖者曰悔不小斯可至千萬注云斯或作鄭說文曰鄭引為價也馥謂鄭即傷價即賈

僭

假也從人替聲

子念切

假也者玉篇引作疑也篇海同廣雅假僭也詩抑覆謂我僭箋云僭不信也隱五年公羊傳譏始僭諸公也注云僭

齊也下傲上之辭穀梁傳始僭樂矣范云下犯上謂之僭僖九年左傳不僭不賊注云僭過差也襄二十七年傳夫以信召人而以僭濟之必莫之與也昭元年傳楚又行僭注云僭不信昭八年傳君子之言信而有徵小人之言僭而無徵昭二十年傳今聞難而逃是僭子也注云使子言不信也又二十年傳外寵之臣僭令於鄙注云詐為教令於邊鄙昭二十五年傳以下為信與僭之吉注云僭不信也公羊傳諸侯僭於天子大夫僭於諸侯久矣段頌上疏誕辭空說僭而無徵通作譖詩瞻印譖始竟背箋云譖不信也釋文本又作僭桑柔朋友已譖箋云譖不信也釋文譖子念反本亦作僭

僭

僭也一日相疑從人疑聲

魚己切

僭也者廣韻僭疑也漢析里橋鄆閭頌雖昔魯班亦莫僭象通作疑史記蘇秦傳疑於王者漢書倉貨志遠方之能疑者竝舉而爭起顏云疑讀曰擬僭也或作擬廣雅僭擬也曲禮不敢與世子同名注云辟僭倣也正義嫌其名自比擬於君漢書公孫弘傳管仲相齊有三國侈擬於君注云擬疑也言相似也後漢書張衡傳吾觀太元方知子雲

妙極道數乃與五經相擬

偏

頗也從人扁聲

芳連切

頗也者本書頗頭偏也書洪範無黨無偏又無偏無頗又人用側頗僻民用僭忒無逸爾乃惟逸惟頗大遠王命

倨

狂也從人長聲一曰仆也

楮羊切

狂也者廣雅倨狂也廣韻倨窮倨失道禮仲尼燕居瞽者無相倨倨乎其何之荀子脩身篇人無法則倨倨然注云倨倨無所適兒也言不知所措履或作猖玉篇猖狂駭也莊子山木篇猖狂妄行離騷何桀紂之猖披

儻

惛也從人蒙聲

呼肱切

惛也者本書惛不明也玉篇儻迷惛也字或作儻釋訓儻儻惛也

翳

翳也從人壽聲

直由切

翳也者本書翳翳也玉篇翳隱蔽也廣韻翳隱也

倮

有麗蔽也從人舟聲詩曰誰侑予美

張流切

詩曰誰侑予美者陳風防有鵲巢文傳云侑張誑也釋訓同郭云書曰無或侑張為幻幻惑欺誑人者

倭

淺也從人菱聲

慈行切

淺也者釋言文詩小戎倭收傳云倭淺又倭駟孔羣箋云倭淺也考工記鮑人之事則是以博為倭也注云鄭司農云倭讀為翦玄謂翦者如倭淺之淺馥案史記李斯傳能薄而材讒張有謂當作倭

佃

中也從人田聲春秋傳曰乘中佃一轅車

堂練切

春秋傳曰乘中佃者哀十七年左傳文彼作衷甸一轅車者乃許公釋傳之義杜注衷甸一轅鄉車正義衷中也蓋以四馬為上乘兩馬為中乘馥案鄉車廣韻作輕車鄭注周禮小司徒甸之言乘也讀如衷甸之甸徐錯曰佃謂中也古載物大車雙轅乘車一轅當中也

伯

小兒從人凶聲詩曰伯伯彼有屋

斯氏切

小兒者侏或作佻釋訓佻小也郭注材器陋也舍人云佻佻形容小兒通作諧方言詰短也江湘之會謂之詰又通作黠方言凡物生而不長大亦謂之黠詩曰侏侏彼有屋者小雅正月文彼作佻傳云佻佻小也釋文佻說文作侏音徒廣韻詩云侏侏彼有屋本亦作佻佻

佻

小兒從人光聲春秋國語曰佻飯不及一會

古橫切

春秋國語曰佻飯不及一會者徐鍇本下有是佻佻然小也六字類篇引作佻飯不及一餐馥謂會餐並誤當作餐越語觥飯不及壺殮韋云觥大也大飯謂盛饌未具不能以虛待之不及壺殮之救饑疾也馥案廣韻佻盛兒蓋本此說

佻

偷也從人兆聲詩曰視民不佻

土彫切

偷也者釋言文郭云苟且李巡以為偷薄之偷本書無偷字李燾本作愉字書佻輕也廣韻佻輕佻楚辭余猶謂其佻巧詩曰視民不佻者小雅鹿鳴文彼作佻傳云佻偷也昭十年左傳視民不佻服注示民不愉薄東京賦敬慎

威儀示民不偷

僻

避也從人辟聲詩曰宛如左僻一日從旁牽也

普擊切

避也者一切經音義十一引作辟也徐鍇本同錯曰辟避也玉篇詩云民之多僻僻邪也本書通回避也避回也詩大明厥德不回論衡引左傳君無回德回與違同謂哀僻也宣九年左傳引詩民之多僻注云辟邪也文十八年傳靖譖庸回注云回邪也史記共工善言其用辟案書堯典靜言庸違亦回也盤庚迂乃心傳云迂僻案本書迂避也般辟也象舟之旋李巡注爾雅婆娑盤僻舞也詩采芣小人所腓毛訓腓為辟王肅以辟為避患宜九年左傳齊侯聞之遽辟之杜云辟去萊兵也釋文辟婢亦反又音避孟子行辟人可也韓策嚴仲子辟人因為聶政語詩曰宛如左僻者魏風葛屨文彼作宛然左辟一日從旁牽也者晉語以傳召伯宗遇大車當道而覆立而避之曰辟傳對曰傳為速也若埃吾辟之則加遲矣不如捷而行馥案辟傳者使其從旁牽也

僻

很也從人弦省聲

胡田切

很也者謂很戾也本書盤踞戾也從弦省

𠄎

與也從人支聲詩曰籀人伎忒

渠綺切

與也者與讀如泉眾詞與也之與趙宦光曰伎同及漢韓勅碑旁伎皇代即旁及詩曰籀人伎忒者大雅瞻印文彼作伎傳云伎害也廣韻伎傷害也

𠄎

掩脅也從人多聲一日奢也

尺氏切

掩脅也者本書侈衣張也幘婦人脅衣一日奢也者字林侈大也書周官祿不期侈傳云富不與侈期而侈自來成十年公羊傳婦人以衆多爲侈也何云侈大也昭三年左傳於臣侈矣杜云侈奢也賈誼書反儉爲侈

𠄎

癡兒從人台聲讀若駮

夷在切

癡兒者本書類癡不聰明也急癡兒集韻台擬癡兒六書故司馬相如賦曰佻以佻擬張揖曰佻擬不前也按今以驕駮難語使爲佻擬古蓋有此語或作儻廣韻儻擬癡兒讀若駮者本書誕駮也擬駮也旬駮言聲喬駮也廣韻

喬癡兒周禮司刺注云蠢愚生而癡駮童昏者通鑑王師範謂盧弘曰師範童駮不堪重任注云駮癡愚也

𠄎

倭驕也從人蚤聲

蘇遭切

倭驕也者謂驕駮

𠄎

詐也從人爲聲

危睡切

詐也者釋詁文又云詐僞也廣雅僞欺也書周官作僞心勞日拙詩小雅民之訛言箋云僞也小人好詐僞爲交易之言周禮大司徒以五禮防萬民之僞而教之中襄十八年左傳使乘車者左實右僞

𠄎

惰也從人只聲

以鼓切

𠄎

務也從人句聲

苦侯切

務也者廣韻作愁云恂愁愚兒玉篇引楚辭九辯直恂愁以自苦

𠄎

輕也從人與聲

匹妙切

輕也者史記索隱引同本書嫖輕也方言嫖輕也楚凡相
輕薄或謂之嫖也荀子議兵篇輕利嫖速注云嫖亦輕也
脩身篇怠慢嫖弃注云嫖輕也謂自輕其身也後漢書班
固傳雖輕迅與嫖狡袁紹傳嫖狡鋒俠史記高祖本紀項
羽為人嫖悍猾賊漢書作嫖顏注嫖疾也字或作嫖漢馮
煥碑對輕狡獨通作票後漢書張衡傳去穢累而票輕注
云票音匹妙反猶飄飄也又通作剽絳侯世家楚兵剽輕
難與爭鋒漢書地理志自全晉時已患其剽悍顏云剽急
也輕也魏都賦過以汎剽之單藝曹植白馬篇勇剽若豹
螭釋樂大鐘謂之鏞其中謂之剽孫炎曰剽者身輕疾也

倡

樂也從人昌聲

尺亮切

三蒼倡俳也列子湯問篇臣之所造能倡者注云倡俳優
也史記趙世家趙王遷其母倡也桓譚新論漢之三主
內置黃門工倡馥案馬融長笛賦然後退理乎黃門高廊漢
書禮樂志成帝時鄭聲尤甚黃門名倡丙彊景武之屬富顯
於世藝文志黃門倡
車忠等歌詩十五篇
樂也者李善注古詩及弔屈原文引同又云謂作妓人也
後漢書郭皇后紀注引同本書優倡也顏注急就篇倡樂

俳

戲也從人非聲

步皆切

人也字林倡優樂也三蒼優樂也聲類倡俳樂記一倡而
三歎注云倡發歌句也韓非外儲說宋王與齊仇也築武
宮謳癸倡行者止觀築者不倦桓譚新論昔孝成帝時余
為樂府令凡所典倡優伎樂益且千人漢書佞幸傳身及
父母兄弟皆故倡也顏注倡樂人也續漢書大將軍梁商
三月上己日會洛水倡樂畢極百官志太子樂令一人掌
伎樂後漢書桓譚傳性嗜倡樂注云倡俳優也晉起居注
咸和中詔大樂令戴綬教習伎樂續晉陽秋吳曇善倡樂
陸機七徵名倡陳於璿房遞響薄乎華
屋袁淮招公子云燕倡越舞齊商歌

戲也者一切經音義十四引同又云莊子獻笑不及俳案
俳者樂人所為戲笑以自怡悅也急就篇倡優俳笑觀倚
庭顏注倡樂人也俳謂優之藝狎者也襄二十八年左傳
陳氏鮑氏之圍人為優注云優俳春秋元命苞翼星主南
宮之羽儀文物聲明之所豐茂為樂庫為天倡先王以賓
于四門而列天庭之衛主俳倡近太微而為尊漢書霍光
傳擊鼓歌吹作俳倡顏注俳優諧戲也倡樂人也枚舉傳
皋不通經術詼笑類俳倡皋賦辭中自言為賦乃俳見視

如倡自悔類倡也景十三王傳令倡俳贏戲坐中顏注竝云倡樂人也俳雜戲者也賈誼書大臣奏事則俳優侏儒逃隱聲樂技藝之人不竝奏趙書石勒參軍周延每大會使俳優著介幘黃絹單衣劉梁七舉秦俳趙舞宋太尉袁淑取古之文章令人笑者次而題之名曰俳諧集

𠄎

作姿也從人善聲

常演切

言好其言語令色善其顏色皆欲令人說之

𠄎

儻互不齊也從人𠄎聲

士咸切

儻互不齊也者六書故君子不以一日使其躬儻焉如不終日謂苟且不整肅也周禮廛人總市杜子春云總當為儻謂無肆立持者之稅也馥案市廛正行列若立持則不齊矣儻二十二年左傳宋公及楚人戰于泓司馬子魚曰聲盛致氣鼓儻可也注乘其陣未成列急攻之也周語夫戎翟冒沒輕儻韋云儻進退上下無列也曲禮長者不及毋儻言注云儻猶暫也非類雜一切經音義二十二儻非笑而言也後漢書孔僖傳鄰房生梁郁儻和之注云儻謂

不與之言而傍對也禮記曰無儻言

𠄎

佚民也從人失聲一曰佚忽也

夷質切

佚民也者孟子遺佚而不怨漢書梅福傳佚民不舉潛夫論賢難篇畝畝佚民山谷隱士通作逸論語舉逸民又夷逸漢石經作夷佚書無逸史記作無佚又通作軼史記管晏列傳贊論其軼事一曰佚忽也者本書誤忘也或作佚文選四子講德論故美玉蘊于砥砭凡人視之佚焉李善引廣蒼佚忽忘也

𠄎

行頃也從人我聲詩曰仄弁之俄

五何切

行頃也者頃當為傾傾仄也本書我頃頓也頃亦當為傾也俄詩曰仄弁之俄者小雅賓之初筵文彼作側箋云側傾也俄

𠄎

喜也從人魯聲自關以西物大小不同謂之僇

余招切

喜也者僇通作繇釋詁繇喜也又通作猶檀弓人喜則斯陶陶斯詵詵斯猶鄭云猶當為搖謂身動搖也秦人猶搖

聲相近韻謂猶即偕大戴禮文王官人篇喜色猶然以出
又通作搖樂稽耀嘉克殷之後民乃大安家給人足酌酒
鬱搖注云鬱搖喜貌自關以西物大小不同謂之偕者
字或作偕方言偕衰也自山而西凡物細大不純者謂之
偕注云言
俄偕也

儻

儻御受屈也從人卻聲其虐切

儻御受屈也者史記司馬相如傳文彼作儻司馬彪云儻
倦也謂遮其倦者郭璞曰儻疲極也言獸有倦游者則儻
而取之本書御勞也玉篇儻倦極廣雅御勞也字書儻遮
也亦要也本書激半遮也漢書趙充國傳儻極迺擊之顏
注儻要也要其倦極者也匈奴傳以誘罷漢兵儻極而取
之顏注儻要也誘令疲要其困極然後取之司馬相如傳
儻受註蘇林曰儻音倦儻之儻顏注言獸有倦極者要
而取之傳又云與其窮極倦儻郭璞曰窮極倦儻疲憊也
卻聲者當為儻本書儻
相倚儻也方言儻倦也

儻

儻舞兒從人差聲詩曰屢舞儻儻素何切

儻

儻舞兒者廣雅儻儻舞也詩曰屢舞儻儻去其切

醉舞兒者廣雅儻儻舞也詩曰屢舞儻儻者小雅賓之
初筵文傳云儻儻舞不能自正也韻案本書婁下引詩屢
舞婁

儻

儻傷也從人每聲文甫切

傷也者一切經音義一引作傷也又云謂輕傷翫弄也本
書傷輕也駁侮也廣雅侮傷也玉篇侮慢也書洛誥惟事
其爽侮傳謂侮慢詩鴟鴞或敢侮
予箋云寧有敢侮慢欲毀之者乎

儻

儻古文從母

漢書五行志
慢侮之心生

儻

儻姣也從人疾聲一曰毒也秦悉切

說文解字義登

卷二十四

豐

連筠箬叢書

靈石楊氏棗

姸也者本書姸妒也廣雅嫉妒也離騷各興心而嫉妒注云害色曰妒害賢曰嫉亢倉子用道篇同道者相愛同藝者相嫉通作疾書秦誓人之有技冒疾以惡之傳云見人之有技藝蔽冒疾害以惡之

癢 候或從女

傷 輕也從人易聲 一曰交傷 以豉切

蒼頡篇傷慢也 通作易北堂書鈔慢易以犯節桓十三年左傳見莫敖而告諸天之不假易也杜云言天不借貸慢易之人襄十一年傳晉師敗績易秦故也六韜有肅肅而反易人者史記酈生傳吾聞沛公慢而易人交州名士傳張重舉計漢明帝易重問何短小

輕也者本書媵侮易也姚易也並當作傷廣雅傷輕也一切經音義三廣雅傲傷也謂輕傷也樂記外貌斯須不莊不敬而易慢之心入之矣注云易輕易也文十二年公羊傳俾君子易怠注云易怠猶輕情也襄四年左傳貴貨易土注云易猶輕也昭十八年傳土不可易杜云易輕也秦策願王之勿易也高云易輕也史記禮書能慮勿易注云

易猶輕易也漢書高帝紀高祖為亭長素易諸吏顏注易輕也竇嬰傳魏其沾沾自喜巨多易張晏曰多易多輕易之行也燕丹子荆軻踞而罵曰吾坐輕易為豎子所欺一曰交傷者本書換易也賀易財也文選博奕論足以兼棋局而賀博奕矣任昉表陵谷遷賀李注並云賀傷也易繫辭日中為市致天下之民聚天下之貨交易而退詩天作岐有夷之行傳云夷易也箋云岐邦之君有伎傷之道孟子以粟易械器史記平準書農工商交易之路通趙世家趙與燕易土索隱音亦謂與燕換易縣也通作敷廣雅賀敷也或作易廣韻屬交易

條 訟面相是從人希聲 喜皆切

訟面相是者玉篇條解也訟也

償 僵也從人賁聲 匹門切

僵也者釋言文郭云卻僵舍人曰背踏意也隱三年左傳鄭伯之車償于濟襄二十四年傳象有齒以焚其身服虔云焚讀曰償償僵也為生齒牙僵仆其身昭十三年傳牛雖瘠償於豚上其畏不灰注云償仆也晉語重償可疾辜

說文解字卷登 卷二十一 連筠錄叢書

云償償也大戴禮曾子制言篇衡塗而償盧辯云償償也呂氏春秋慎小篇明日有人償南門之外表者仕長大夫注云償償也莊子天運篇一償一起釋文司馬云償仆也漢書韓王信傳此伍子胥所以償於吳世也顏注償謂償仆而倒也鼂錯傳輸者償於道服虔曰償仆也匈奴傳孤償之君如淳曰償仆也猶言不能自立也

償 償也從人 豈聲 居良切

償也者徐鍇本作偃也韻會同爾雅釋文引同一切經音義十三引亦同又云謂却偃也馥案本書偃偃也呂氏春秋貴卒篇鮑叔御公子小白偃注云偃猶偃也漢書昭帝紀上林有柳樹枯偃自起生顏注偃偃也梁孝王傳即詐偃仆陽病顏注偃仆倒地也後漢書馬援傳偃死軍事注云偃仆也

仆 頓也從人 卜聲 芳遇切

頓也者一切經音義三引同又云謂前覆也廣韻仆前倒玉篇仆傾倒兒廣雅頓仆偃也釋名仆踣也頓踣而前也釋言寔仆也郭云頓躓倒仆孫炎云前覆曰仆定八年左傳籍邱子鉏擊之與一人俱斃社云斃仆也正義云吳越

春秋稱要離謂吳王夫差曰臣迎風則偃背風則仆然則仆是前覆偃是却倒漢書貢禹傳誠恐一旦躓仆顏注仆頓也燕書賜章該布百餘匹負而歸重不能勝乃至偃頓

偃 偃也從人 匚聲 於臆切

偃也者廣雅同一切經音義二十二引說文偃却偃也書金縢禾盡偃論語草上之風必偃孔注偃仆也鄉射禮東面偃旌注云偃猶仆也博物志徐君生而偃故以為名

傷 創也從人 殤省聲 式羊切

本書刺傷也殤傷也痍傷也書說命若跣弗視地厥足用傷莊八年左傳隊于車傷足僖二十二年傳宋公及楚人戰于泓公傷股公曰君子不重傷子魚曰傷未及死如何勿重若愛重傷則如勿傷二十八年傳魏犢傷於胸襄二十三年傳欒魴傷三十一年傳猶未能操刀而使割也其傷實多昭元年傳子南知之執戈逐之及衝擊之以戈子哲傷而歸創也者月令命理瞻傷察創視折注云創之淺者曰傷昭二年左傳鄭公孫黑將作亂傷疾作而不果杜云前年游

楚所擊創 傷省聲者韻會引
徐錯本作易聲本書無易字

刺也者刺當為刺刺戾也 肴聲者肴非聲顏氏家訓蒼
顏篇有肴字訓詁云痛而諱也音羽罪反今北人痛則呼
之聲類音于未反今南人痛或呼之此二音隨其鄉俗並
可行也馥案廣韻脣痛而叫也于罪切 一曰痛聲者徐
錯本作毒之案本書痲下
云楚人謂藥毒曰痛痲

備詞也者當作備小字本李燾本徐錯韻譜並作備集韻
引同宣十五年公羊傳司馬子反曰嘻甚矣德廣韻倭痛
也呼

相擣也從人崔聲詩曰室人交徧催我

痛也者痛通作踊檀弓辟踊哀之至也喪
服記擗踊注去男踊女擗士喪禮大夫踊

文摧或作催韓詩作謹
就也馥案就當為說

痛也從人甬聲 他紅切又
余隴切

司也從人從犬 房六切

司也者釋名伏覆也莊十年左傳懼有伏焉隱九年傳君
為三覆以待之史記雷侯世家頁與客狙擊秦皇帝應劭
云狙伺也一云伏伺也狙之伺
物必伏而候之故今云狙候

迫也從人足聲 七玉切

迫也者廣雅促近也本書迫近也通作趣周禮縣正趣其
稼事月令命有司趣民收斂又云乃趣獄刑釋文並音促
史記數使之趣齊兵詩左
右趣之箋云皆促疾於事

比也從人削聲 力制切

比也者玉篇例類例也王制必察小大之比以成之注云已行故事曰比例也後漢書陳忠傳父寵上除漢法溢於甫荆者未施行忠奏上二十三條為決事比注云比例也

原

繫束也從人從系系亦聲

胡計切

也吳語係馬舌注云係縛也孟子係累其子弟注云係累猶縛結也顏注漢書張釋之傳云結讀曰係系亦聲者當為系聲

伐

擊也從人持戈一曰敗也

房越切

擊也者廣雅同書牧誓不愆於四伐五伐六伐七伐傳云伐謂擊刺詩甘棠勿剪勿伐傳云伐擊也僖二十八年左傳遂伐其木宋玉風賦歷石伐木李善云伐擊也詩采芑鉦人伐鼓傳云伐擊也禮郊特牲二日伐鼓何居文十五年左傳伐鼓于社杜云伐猶擊也一曰敗也者廣雅同春秋說題辭伐人者涉人國內行威有所斬壞伐之為言敗也徐錯本下有亦斫也三字馥案斫亦擊也枚乘七發使琴擊所斫以為琴謂伐木也

俘

軍所獲也從人孚聲春秋傳曰以為俘馘

芳無切

軍所獲也者史記正義俘囚也一切經音義十三國語而安俘女賈逵曰伐國取人曰俘釋詁俘取也李巡云囚敵曰俘伐執之曰取書典寶序俘厥寶玉傳云俘取也僖二十二年左傳示之俘馘杜云俘所得囚僖二十八年傳獻楚俘于王襄二十五年傳子美入數俘而出杜云數其所獲人數昭十年傳平子伐莒取鄭獻俘家語相魯篇裔夷之俘注云俘軍所獲虜也漢書昭帝紀斬虜獲生有功顏注俘取曰獲春秋傳曰以為俘馘者成三年左傳文

但

楊也從人旦聲

徒旱切

楊也者本書袒衣縫解也楊但也增韻但偏脫衣袖通作袒詩大叔于田袒楊暴虎孟子雖袒楊裸程於我側字或作檀史記呂后紀為劉氏左袒徐錯本有一曰徒三字聲類徒但也空也漢書食貨志錢府以所入工商之貢但賒之演繁露但馬徒馬也散馬前行或曰坐馬或曰引馬即但馬馥案宋書作誕馬遼史作鞮馬通作直荀子議兵篇非直倒縣而已

偻也從人區聲於武切

偻也者廣雅同又云曲也廣韻偻不伸也延也通俗文曲脊謂之偻偻昭七年左傳一命而偻再命而偻三命而俯賈注俯恭於偻偻恭於偻荀子儒效篇是猶偻伸而好升高也注云偻偻也韓非安危篇使偻以天性剖背宋策剖偻之背新序宋康王剖偻者之背呂氏春秋明理篇皆禿偻偻注云偻偻俯者也盡數篇苦水所多偻與偻人注云偻偻脊疾也五代史鄭韜晚年背偻通作偻旅漢書東方朔傳行步偻旅顏注偻旅曲躬兒也後漢書趙壹傳偻偻名執注云偻偻猶偻偻也

偻也從人婁聲周公讖偻或言背偻力主切

廣韻偻偻疾也 廣雅偻曲也 成元年穀梁傳曹公子手偻馥案公子名手五音集韻以為手病誤 燕策偻行見荆軻 淮南精神訓子求行年五十有四而病偻偻脊管高干頂膈下迫頤兩脾在上燭營指天匍匐自闕于井曰偉哉造化其以我為此拘拘邪 通作婁釋 木癭木苻婁郭注謂木病偻偻瘦腫

延也者本書偻偻曲脛也此言下偻也 周公讖偻者即延也 或言背偻者廣韻引荀子周公偻背白虎通周公背偻昭四年左傳黑而上偻注云上偻肩偻哀十四年左傳長而上偻杜云肩背偻漢書蔡義傳行步俛偻顏注偻曲背也

癡行偻偻也從人叒聲讀若雞一日且也力救切

癡行偻偻也者通作戮釋詁戮病也馥謂癡亦病也偻戮古通用荀子非相篇為天下大偻史記田單傳偻及先人歸兮箋云聊猶且也又泉水聊與之謀箋云聊且略之辭離騷聊逍遙以相羊王注聊且也晉書阮籍傳聊復爾爾又通作偻本書偻偻然也笙賦勃慄慨以偻亮李善引聲類偻且也一切經音義二引同

讎也從人九聲巨鳩切

讎也者仇讐聲相近本書忿怨仇也一切經音義一仇怨也匹也三蒼云怨偶曰仇廣雅仇惡也釋名仇予讐也所

措也者本書措置也置當作值徐錯本有一日
逢遇四字案釋訓逢遇見也郭注行而相值也

侂 寄也從人庀聲庀古文宅

他各切

寄也者集韻引同又云謂依止也本書託寄也廣雅侂寄也東方朔非有先生論寡人獲先人之功寄於象賓之上通作託論語可以託六尺之孤玉篇引作侂 侂古文宅者徐錯本無此文錯云庀古宅字本書宅所託也古文作庀鄭注士相見禮云今文宅為託

儻 眾也從人尊聲詩曰儻沓背憎

慈損切

聚也者廣雅儻儻眾也離騷紛總總其離合兮王注總總猶儻儻眾兒通作擣漢書揚雄傳齊總擣擣其相膠葛兮顏注總總擣擣眾兒也 詩曰儻沓背憎者小雅十月之交文彼作擣本書擣眾語也引詩擣沓背憎

儻 象也從人從象象亦聲讀若蒼

徐兩切

象也者韻會引徐錯本作似也案錯曰楚辭像設君室靜閑安謂似而設之也廣韻像似也易繫辭象也者像此者

儻 罷也從人卷聲

渠眷切

也春秋後語秦詔齊曰宋王無道為木人以像寡人射其面漢書匈奴畏郅都之威刻木像都之狀交弓射之博物志黃帝仙去其臣削木為黃帝像帥諸侯奉之史係劉師貞蚤失其母乃作偶人像以事之 象亦聲者當為象聲

儻 終也從人瞽聲

昨曹切

罷也者本書券勞也禮少儀師役曰罷注云罷之為言勞也玉篇引書耄期倦于勤儒行敦行而不倦劉楨魯都賦至於日昃體勞怠倦

儻 桐人也從人禺聲

五口切

桐人也者廣韻備偶人又云備木人送葬設關而能跳踊故名之出埤蒼檀弓謂為備者不仁注云備偶人也有面目機發似於生人家語公西赤問篇為偶者不仁不殆於用人乎注云偶木人也六韜望其壘上多飛鳥而不驚上

無氛氣必知敵詐而為偶人也江表傳孫權使朱雋喻關羽令降羽乃作像人於城上而潛遁齊策有土偶人與桃梗相與語趙策土梗與木梗鬪曰我者乃土也使我逢疾風淋雨壞阻乃復歸土今汝非木之根則木之枝巨汝逢疾風淋雨漂入漳河東流至海汜濫無所止越絕書桐不為器用但為俑當與人俱葬淮南說山訓魯以偶人葬而孔子歎馥案孟子始作俑者其無後乎為其象人而用之也注云俑偶人也用之送死史記殷本紀帝武乙無道為偶人正義云偶對以土木為人對象於人形也酷吏傳何奴至為偶人象郵都索隱云漢書作寓人象案寓即偶也謂刻木為偶類人形也漢書江充傳充將胡巫掘地求偶人又云遂掘蠱於太子宮得桐木人公孫賀傳且上甘泉當馳道埋偶人顏注刻木為人象人之形謂之偶人偶竝也對也鹽鐵論古者明器有形無實示民不用也及其後則有桐馬偶人潛夫論良家造瑩多埋珍寶偶人車馬論衡自然篇偶人千萬不名為人者何也鼻口耳目非性自然也薄葬篇閔歿獨葬孤無副故作偶人以侍尸樞史晨後碑飭治桐車馬於瀆上王肅喪服要記魯哀公葬父孔子問曰寧設桐人乎哀公曰桐人起於虞鄉虞鄉齊人遇惡繼母不得養父歿不能葬知有過故作桐人吾父生

得供養何桐人為列土傳羊角哀夢左伯桃求助戰因作三桐人自殺下而從之謝惠連祭古冢文刻木為人長三尺可有一二十餘頭又云撫俑增哀李善云埤蒼俑木人送葬也俑或為偶偶刻木以像人形隋書帝與柳詵言宴終日猶恨不能夜召命匠刻木偶人每月下對酒與相酌酢為權笑通鑑軍士發呂用之中堂得桐人書高駢姓名於冑桎梏而釘之通作寓漢書郊祀志木寓龍一駟李奇曰寓寄也寄生龍形於木也顧炎武曰此說恐非古文偶寓通用木寓木偶也史記孝武紀作木偶馬而韓延壽傳曰賣偶車馬下里偽物者棄之市道古人用以事神及送死皆木偶人木偶馬今人代以紙人紙馬又史記殷本紀帝武乙無道為偶大謂之天神索隱曰偶音寓酷吏傳匈奴至為偶人象郵都索隱曰漢書作寓人可證寓之為偶矣又通作禺史記封禪書木禺龍轅車一駟索隱禺音偶謂偶其形於木後漢書袁紹劉表列傳其猶木禺之於人也注云言其如刻木為人無所知也

𠄎 問終也古之葬者厚衣之以薪從人持弓會毆禽

切

問終也者玉篇弔生日唁弔死日弔曲禮知生者弔知死
者哀成十三年左傳無祿文公即世穆為不弔杜云不見
弔傷孟子出弔於東郭氏又云右師往弔古之葬者云
云者急就篇喪弔悲哀面目腫顏注弔謂問終者也於字
人持弓為弔上古葬者衣之以薪無有棺槨常苦禽鳥為
害故弔問者持弓會之以助彈射也矣越春秋古者人民
朴質死則裹以白茅投於中野孝子不忍見父母為禽獸
所食故作彈以守之絕鳥獸之害酉陽雜俎弔字矢貫弓
也古者葬棄中野禮貫
弓而弔以助鳥獸之害

昭

廟昭穆父為昭南面子為穆北面從人召聲切

市招

廟昭穆父為昭南面子為穆北面者通作昭詩汾沮汝箋
云公族主君同姓昭穆也釋文昭說文作昭中庸宗廟之
禮所以序昭穆也周禮小宗伯辨廟祧之昭穆注云父曰
昭子曰穆王制天子七廟三昭三穆諸侯五廟二昭二穆
大夫三廟一昭一穆祭統夫祭有昭穆昭穆者所以別父
子遠近長幼親疏之序而無亂也論語禘自既灌而往者
吾不欲觀之矣孔注禘禘之禮為序昭穆邢疏昭南鄉穆
北鄉其餘孫從王父父曰昭子曰穆昭取其鄉明穆取其

北面向敬新序魯哀公為室公儀子諫曰左昭右穆為室
而大以臨二先君無乃害於孝乎漢舊儀子為昭孫為穆
昭西面穆東面三年大禘諸帝以昭穆坐於高廟後漢書
祭祀志元始五年始行禘禮父為昭南嚮子為穆北嚮注
云汝疑要注曰凡昭穆父南面故曰昭昭明也子北面故
曰穆穆順也穆通作繆荀子王制篇分未定也則有昭繆
也注云繆讀為
穆父昭子穆

神

神也從人身聲切

失人

神也者傳神聲相近廣韻申身
也本書申神也玉篇傷姓身也

相然

僊

長生僊去從人從響響亦聲切

相然

漢書藝文志神僊者所以保性命之真而游求於其外者也
聊以盪意平心同歎生之域而無怵惕於胷中稽康養生
論夫神僊雖不目見然記籍所載前史所傳較而論之其有
必矣似特受異氣稟之自然非積學而能致也抱朴子論
僊篇或問曰神僊不虛信可得乎抱朴子曰萬物芸芸何所
不有況列僊之人盈乎竹素不灰之道曷為無之僊人以藥
竟文解字長登

物養身以術數延命使內疾不生外患不入雖久視不灰而
舊身不改苟有其道無以為難也劉向所撰列僊傳僊人七
十有餘誠無其事矣造何為乎申鑒或問神僊之術曰誕
哉末之也已矣聖人弗學非惡生也終始運也短長數也運
數非人力之為也曰亦有僊人乎曰僊僊桂莽產乎異俗就
有僊人亦殊類矣或作仙廣雅仙己也桓譚新論天下神
人五一曰神仙劉歆七畧方技四家有神仙家司馬光曰老
莊之書大指欲同死生輕去就而為神仙者服餌修鍊以求
輕舉鍊草石為金銀其為術正相戾是以劉歆七畧敘道家
為諸子神仙為方技其後復有符水禁呪之術至寇謙之遂
合而為一至今循之其說甚矣法言君子篇或問人言仙者
有諸乎曰吁吾聞伏羲神農殺黃帝堯舜殂落而灰文王畢
孔子魯城之北獨子愛其外乎非人之所及也仙亦無益子
之彙矣或曰聖人不師仙厥術異也聖人之於天下恥一物
之不知仙人之於天下恥一日之不生曰生乎生乎名生而
實灰也或曰世無仙則焉得斯語曰語平者非囂囂也歟惟
囂囂能使無為有或問仙之實曰無以為也與無非問也
問也者忠孝之問也忠臣孝子惶乎不惶谷永說漢成帝曰
諸言世有仙人服食不終之藥遙興輕舉登遐倒景覽觀縣
圃浮游蓬萊黃治變化皆姦人惑眾挾左道懷詐偽以欺罔

世主

長生僊去者莊子千歲歇世去而上僊桓譚新論聖人皆
形解仙去言成示民有終仙經神仙輕舉謂之天仙列位
太清度名祕籍玄示經外想宜絕內注玄真然後長生可
保太清真經一切含氣莫不貴生為天地之大德德莫過
於長生長生者必其外身也不以身害物非惟不害而已
乃濟物忘其身忘其身而身不怠是為善攝生者也真道
養神能飛化 譽
亦聲者當為譽聲

棘人 犍為蠻夷從人棘聲 蒲北切

本書羌下云西南棘人蓋在坤地頗有順理之性 廣志墨
棘濮在永昌西南 陳琳檄吳文皇中羌棘 呂氏春秋恃
君篇氏羌呼唐離水之西棘人野人注云棘人讀如匍匐之
匍 漢書地理志犍為郡棘道 郡國志西夷有荔枝園棘
僮為夷中最賢者古所謂棘僮之富多以荔枝為業 水經
注江水云棘道縣本棘人居之秦紀所謂棘僮之富者也
犍為蠻夷者史記司馬相如傳會唐蒙使略通夜郎西棘
中徐廣曰羌之別種也索隱引文穎曰夜郎棘中皆西南

夷後以為泮河健為二郡漢書會貨志散幣於邛僂以轄之應劭曰僂屬犍為顏注本西南夷種僂今僂道縣也伍被傳羌僂貢獻顏注僂西南夷也後漢書杜篤傳捶驅氏僂注云並西南夷號古文苑蜀都賦馬犀象僂注云僂道有僂人文選長楊賦羌僂東馳五臣云僂夷名從人棘聲者地理風俗記夷中最仁有人道故字從人王制西方曰棘注云棘當為僂僂之言僂使之僂寄於夷戎

山

人在山上從人從山

呼堅切

疑此為僂之或體後人亂之聲類仙俗僂字廣韻合輕舉兒釋名老而不死曰仙仙遷也遷入山也故其制字人旁作

也

人在山上者一切經音義十四引作人上山貌也又十六云人在山上貌也

僂

南方有僂僂人長三尺短之極從人堯聲

五聊切

本書羌下云西南僂人僂僂从人蓋在坤地頗有順理之性廣雅僂僂八疾之一曹憲云說文無立人旁僂竹書紀

年帝堯二十九年春僂僂氏來朝 古文苑短人賦侏儒短人僂僂之後 皇侃論語義疏南有八蠻三曰僂僂 干祿字書僂僂謂南方短人也 酉陽雜俎李章武有人腊長三尺餘頭項髀助成就言是僂僂國人 突厥本末記突厥窟北馬行一月有短人國長者不踰三尺亦有二尺者頭少毛髮若羊胞之狀突厥呼為羊胞頭國其旁無他種類相侵俗無寇盜但有大鳥高七八尺常伺短人啄而食之短人皆持弓矢以為之備

南方有僂僂人長三尺短之極者曹注廣雅引作僂僂短人也魯語仲尼曰僂僂氏長三尺短之至也注云僂僂西南蠻之別名晉語僂僂不可使舉注云僂僂長三尺不可使舉重列子湯問篇從中州以東四十萬里得僂僂國人名長一尺五寸注云短人國名也韋昭曰西南蠻之別名也按括地志在大秦國北也荀子正論篇以僂僂而戴太山也注云僂僂短人長三尺者也富國篇是猶鳥獲與僂僂搏也注云僂僂短人長三尺者大荒南經有小人名曰僂僂之國幾姓嘉穀是倉注云僂僂民長三尺短之至也淮南地形訓西南曰僂僂注云僂僂短人國長不滿三尺郭璞山海經圖贊僂僂極麼靖人唯小四體俱足眉目不了馥案

列子東北極有人名踔人長九寸詩含神霧東北極有人長九寸外國圖焦僂國人長一尺六寸迎風則偃背風則伏眉目俱足但野宿一曰焦僂長三尺其國草木夏成而冬生去九疑三萬里劉氏新論觀量篇夫觀焦僂之節知非防風之脛袁孝政注云焦僂國人長三尺通典焦僂國其人長三尺穴居善游鳥獸懼焉

僂 市也從人對聲 都隊切

市也者俗謂圍周曰僂

僂 遠行也從人狂聲 居況切

遠行也者廣雅僂往也又云僂往劇也楚辭九歎魂僂僂而南行兮王注惶遽之兒

僂 分也從人從牛牛大物故可分 其輦切

徐鉉所加

文二百四十五 重十四

僂 安也從人僂聲

韻會引如此廣韻僂依人也於靳切與僂同徐鉉新附穩字即僂之俗體

僂 駟馬也

御覽引如此案本書諄一曰諄僂聲類僂合市人也

遺文二

